

معلمار جموعہ سن کتبخانہ سن

۱

اُور تَامَکَتَبِ مُعَلِّمَرِی

بِہِ اللہ
پَر اَکْ قُور نَعْرِہِ سَی

علی حیدر



استانبول — مطبعہ عامرہ

۱۹۲۵

اورتا مکتبلر معلملرینک بین الملل

پراغ قونغرہ سی

تاریخچہ

پراغ قونغرہ سی حقندہ ایضاحات ویرمکہ باشلامادن اول بو قونغرہ بی دعوت ایدن! ہیأتک تاریخچہ سی حقندہ مختصر معلومات اعطاسی موافقدر . کچن سنہ چہ قوسلوواق جمهوریتنک مرکزنده اورتا مکتب منتسبلرندن متشکل بین الملل برقونغرہ عقد ایدن ہیأتک فرانسزجہ اسمی شویله در :

Bureau international des Fédérations nationale du Personnel de l'Enseignement secondaire public .

بورونک کاتب عمومی موسیو بیل تہت در .

M. A. Beltette, 131, Rue de Roubaix Tourcoing (Nord) France,
بو بورو Bulletin international عنوانیہ وقت وقت برطاقم رسالہ لر نشر ایدر،
مجموعہ نک مدیری موسیو قلاویہ در .

M. J. Clavière, 28, Rue de Maréchal Foch Malo-les-Bains (Nord)
France.

..

بین الملل بر اورتا مکتبلر معلملری بوروسنک تاسیسی فکری ، اولاً بلچیکا

اولاً بلجیقا جمعیتی طرفندن ایلری سورولمش و مذکور جمعیتک اداره هیأتی طرفندن

واقع اولان دعوته فرانسزلردن موسیو Fedel ایله موسیو Beltette وهولاندالیلردن موسیو Warenhorst اجابت ایتشلر. اجتماعلرده بلچیقایلر نامنه موسیو Wittmann ایله موسیو Van Lede بولونمشلردر .

۲۶ مایس ۱۹۱۲ تاریخنده بروکسل دائرة بلدیہ سنک (ماقسیمیلیان سالوننده) ایلك اجتماعنی عقد ایدن انجمنده موسیو فهدل و موسیو بل تہ Federation nationale des Professeurs de Lycée et du personnel de l'Enseignement secondaire feminin de France

نامنه، موسیو واره نهورست

Vereeniging van Leeraren bij het Middelbaar Onderwijs

نامنه، موسیو ویتمان و موسیو وان لهده


Fédération de l'Enseignement moyen officiel de Belgique

نامنه حاضر بولونمشلردر .

انجمنك اجتماعلرینه موسیو ویتمانك ریاست ایتھسی قبول اولونمش . رئیس ، داهاء ۱۹۱۰ ده منعقد بروکسل قونفره سنده بویله بین الملل بر مكاتب تالیه معلملری بوروسنك موضوع بحث و مناقشه اولدیغنی و هیأت اتحادیه تشكیل ایتدكن صوكر ا لوكسنبورغ معلملرینك التحاق ایدہ جكلرینی و آلمان مرخصی موسیو بوده Bode نكده صلاحیت آندقدن صوكر ا جواب ویرمك و عدنده بولوندیغنی بیان ایتمش . بو بش كیشيك انجمن، اوزون مناقشه لردن صوكر ا بین الملل بورونك تشكیلی خصوصنده بروجہ آتی نقطه لرده اتفاق ایتشلردر :

۱ — بین الملل اتحادہ داخل اولان ملی اتحاد هیأتلرینك اداره داخلیه لرنده استقلاللرینك محافظه سی.

۲ — بین الملل اتحادہ داخل اولان هر بر ملی اتحاد هیأتك آنجاق ایکی مرخص ایله تمثیل ایدیله سی. مرخصلرك اشتراكنه بر مانع ظهور ایتدیكى تقدیرده یاردیمچی مرخصلرك قبول اولونا بیلمه سی فقط رأی ویرمكه كلنجه ، هر بر ملی اتحاد هیأتك آنجاق بر رایہ مالك اولماسی .



اېرغونفره سەنك كەشاد رەسمى . تۈركىيە سەنەلىرى : ۱ : ئالى - يادىر بىك . ۲ : ذى مەمۇد بىك

۳ — بین الملل اتحادہ داخل اولان هر بر ملی اتحاد هیأتک مقطوعاً سنوی الی فرائق و هر یوز اعضا و کسوری ایچون سنوی ایکی فرائق ویرمه سی .

۴ — بین الملل اجرائی قومیتک بر رئیس ایله برکاتب عمومیدن تشکیل ایتمه سی . و بونلرک ممکن مرتبه عینی مملکت اها لیسندن اولماسنه غیرت ایدیلمه سی . هر ملتک ، حروف و حجا صیراسیله ، بوقومیتک وظیفه سنی ایفایه دعوت اولونماسی . ایلک هیأتک بلجیقاده تشکیل ایدیلمه سی .

۵ — جمعیت سنه سنک ۱ کانون ثانی ده باشلاماسی . اداره هیأتک بر سنه مدتله انتخاب اولونماسی . دیگر ملتک صیراسی کچمه دجه ، بر ملتک ایکی دفعه هیأت اداره به کچمه مه سی .

۶ — بورونک نظرتدقیقته وضع ایدیلهن مسئله لک بر راپوره ترفیق ایدیلمه سی . شوویا بو ملی هیأت معلمین طرفندن اورتایه آتیلان مسئله لک مناقشه ایدیله بیلمه سی فقط بر قرار اتحادی ضامننده آرایه مراجعت ایدیله مه سی .

بو مقررات و اساسات داخلنده یدی ماده لک بر نظامنامه اساسی قلمه آلمشدر . [*]
بین الملل مکاتب تالیه معلمی هیأت اتحادیه سی ریاستنه موسیو ویتان انتخاب و بروکسل مرکز اتخاذ ایدیلشدر . موسیو ویتانک کچن شباط طرفنده کی وفاقی پراغ قونفره سنده تأثرله یاد اولونمش بورو انترناسیونالک تشکیل خصوصنده کی خدمت و فعالیتی تقدیرله تذکار ایدیلشدر .

..

۱۹۱۳ سنه سننده بلجیقانک غلام شهرنده بر قونفره عقد ایدیلش . حرب عمومینک ظهوری اوزرینه بالطبع بین الملل فعالیتلر تعطیل ایدیلش . و متارکدن سوکرا اسکی بورو فعالیت کچمه مه مش .

[*] نظامنامه نک ایکنجی ماده سنده بورونک مقصد تشکی شو صورتله ایضاح ایدلشدر :
۱ — اعضاسی آراسنده مودت و بین الملل تساند رابطه لری تأسیس ایتک ؛ ۲ — تدریبات تالیه نک ترقیسنه خدمت ایتک ؛ ۳ — ممالک اجنبیه به تحصیل کیده جک کنجبرک مفدوریه و تاخراته میدان ویرمه جک صورتده تحصیلرینه دوام شرائطی تحقیق ایتک ؛ ۴ — مکاتب تالیه معلمینک وضعیت مادیه و معنوی لرینی یوکسلتمه نک چاره لرینی آرامق .
بورونک نه صورتله اجرای فعالیت ایدم جکنه دائر اون ماده لک ر نظامنامه داخلی قلمه آلمشدر .

نهایت فرانسز مکاتب تالیه معلملر جمعیتی نك ۷ - ۱۰ نیسان ۱۹۲۰ تاریخنده .
استرازبورخ شهرنده برقونفره عقیدینه وعین زمانده حربده مقتول دوشهن پروفیسورلرک .
تأیید خاطرلری ایچون مراسم اجراسنه قرار ویرمه سی مناسبتیه ، بوروانترناسیونالک .
مؤسسلرندن اولان موسیو بهل تهت اشتلافی و دوست دولترک معلملر جمعیتلرینه .
مراجعتله اونلری بو مراسمه اشتراکه و ۱۹۱۲ ده تأسیس ایدیلهن بورو
انترناسیونالی دایها واسع وعملی اساسلره تبعاً یکیدن تأسیسه دعوت ایتمشدر .

۸ نیسان ۱۹۲۰ تاریخنده استرازبورخ لیسهلرندن برنده انعقاد ایدن قونفره یه
بویوک بریتانیا ، لوکسنبورخ ، جنوره ، چه قوسلو و اقیا ، بلجیقا ، فرانسه و الساس
لورهن معلملر جمعیتلری نامنه و صفات سائر ایله ۲۱ ذات اشتراکه ایتمشدر .
قونفره ضبطلرینک خلاصه سندن ، بو اجتماعک اشتلاف دولتئری مرخصلری
آراسنده واسع مقیاسده تظاهراته و مراسم مخصوصه اجراسنه وسیله تشکیل ایتدیکی
آکلاشیلور .

بونى متعاقب سنه لرده یارس و لوکسنبورخده قونفره لر عقد ایدیشدر .

پراغ قونفره سی

بو قیل قونفره لرک بشنجیسیدر . ۲۷ اغستوس ۱۹۲۳ تاریخنده آچیلمش و ۳۰
اغستوس ۱۹۲۳ تاریخنده ختام بولمشدر .

قونفره نك موضوع مذاکراتی

۱ — تالی معلملرک تربیوی تحصیللری

۲ — تربیه اخلاقیه

۳ — مکتب و عائله آراسنده مناسبات

قونفره اساسلی صورتده شو اوج موضوع ایله اشتغال ایدمک و آتیده کی
مسئله لر لوکسنبورخ قونفره سنده ویرلهن قرار موجبجه اوزون اوزادی یه مناقشه
ایدیلته یه جک . یالکز ایکی قونفره آراسنده کچهن زمان ظرفنده ، کرک بین الملل
بورو و کرکه رسمی ویا خصوصی تشبثلر نتیجه سنده طوپلانان معلومات قونفره
اعضاسنه تبلیغ ایدیله جکدر .

- ۴- تدریسات تالیه اصلاحاتی
۵ — قیزلرک تربیه سی
۶ — تالی معلملرک مادی وضعیتری (فلمنک معلملر جمعیتی طرفندن تکلیف
ایدیش)
۷ — تحصیل تالینک صوکننده امتحان وشهادتنامه .
۸ — بین الملل مبادلہ و بین الملل مخبرہ
۹ — شهادتنامه لرک مساداتی
۱۰ — مساعیء فکریه اربابنک اتحادی و جمعیت اقوام
۱۱ — بین الملل قوانین

قونفره نك دورت كونلك پروغرامی

بازار ایرتی : ۲۷ اغستوس ۱۹۲۳

ساعت

- ۹ بلدیہ دائره سنده خصوصی اجتماع .
۳ تدریسات تالیه سرکیسی زیارت
۷ ملی تیاتروده تماشا
صالی : ۲۸ اغستوس
۹ بلدیہ دائره سنده قونفره نك صورت مظننه ده کشادی .
۱۱ شهراماتنده قبول
۳ قونفره مساعیسی
۸ ضیافت

چهارشنبه : ۲۹ اغستوس

- ۹ قونفره مساعیسی
۳ پراغ شهرینی زیارت
۸ ضیافت

پرنه : ۳۰ اغستوس

- ۹ قونفره مساعیسی
۳ قونفره نك ختام جلسہ سی

سیاحت

پراغ قونفره سنك اغستوس نهایتنه انعقاد ایده جکی تبلیغ ایدلشدی . فقه نه کون طر پلاناجنی وقاچ کون دوام ایده جکی بیلدیربله مشدی . ۱۵ تموزه قادار دوام ایدن برنجی هیأت علمیه اجتماع لرینك ختامندن بر کون اول اوزمان معارف وکیلی اولان آطنه مبعوثی اسماعیل صفا بك افندیدن مساعده آلوب استانبوله کلدیم . چونکه با-پورت ویزه معامله لرینك اوزون سوره جکئی بیایردم . خارجیه مرخصلغنك دلائله بو معامله سهولته یاپیلدیغندن ۱۹ آغستوس بازار کونی اوریه نئ اکسپرسله استانبولدن مفارقت و ۲۲ آغستوس چارشانبا کونی پراغه موصلت ایتدم . بر اوتلده یرلشدکدن سوکرا ایلک ایشم معارف نظارته تلفون ایدوب قونفره نك نروده ونه زمان انعقاد ایده جکئی صور مق اولدی . آلدیغم جوابده ایلک اجتماع ۲۷ آغستوسده وقوع بولاجنی بیلدیریلدیکندن ایرکن کلدیکمه سهویندم . بعده معارف نظارتی ارکانی و معلملر جیتی زیارته کیتدم . هر ایکی یرده حسن قبول کوستردیلر .

شهرک بر پلاننی وره برنجی تدارک ایدوب قونفره کونه قادار اولان زمانمی شهرک شایان تماشا محللرینی و موزه لرینی زیارته حصر ایتدم . بر ایکی کون سوکرا قونفره ده آرقاداشم ذکی مسعود بك ده تصادفاً عینی اوتله ایندیکندن کندیسیله بولوشمق قولای اولدی .

..

ایلک خصوصی اجتماع

۲۷ آغستوس بازار ایرته سی ساعت ۱۰

مختلف مملکتلردن قونفره یه کاهن ذوات «اوبه جنی دوم» ده نیلن مراسم دأرئه سندم صورت خصوصیه ده بر اجتماع عقد ایدوب امکان دأرئه سندم بر برلریله طائشیدیلر . و ائاده مرخصلره قونفره نك پروغرامی تبلیغ ایدیلدی .

مکتب سرکیسنی زیارت

۲۷ آغستوس بازار ایرته سی ساعت ۰۳

ترتیب ایدیلن پروغرام موجبجه اوکلهدن سوکرا (ایراشق کیمنازیوم) ده

تأسیس ایدیلن مکتب سرکیسی زیارت ایدیلدی. قونخره مرخصاری مکتبک قاپیسنده استقبال اولونوب بر صالونه ایصال ایدیلدیلر. بوراده مجلس مبعوثان اعضاسندن و قومنسکی تربیه دارالمساعیسی رئیس پروفسور دوقتور آنتون اولیرش Prof. Dr. Ant. Uhler بر وجه اتی لظقی ایراد ایتدی :

« بوکون ایجریسنده عزیز مسافرلر میزى سلاملامقده مباحی اولدیغیز (اورتا مکتبلر سرکیسی) چه قوسلوواق مکاتب تالیه سی معلملریله ، قومنسکی تربیه دارالمساعیسنک ، معارف و حرث ملی نظارتنک مساعی مشترکسی سایه سنده وجوده ککش، معلملرک و طلبه نک مساعی مشترکسی مصور بر لوحه در . شو مشهر یالکز سیر و تماشا ایدیلک اوزره خوشه کیده جک بعض اشیانک بر آرایه جمع ایدیله سندن وجوده کلمه مش بلکه چه قوسلوواق معلملرینک و طلبه سنک حیاتی ، مساعیسی و مکتسبات علمیه سنی صورت صحیحه و حقیقیه ده اراثة ایتک غایه سیله تأسیس ایدیلشدر. بوراده کوره جککز طلبه دفترلی ، شه مالری ، رسملری ، ال ایشلری و سائره بونلر اک مکمللری میانندن سه جیلمه مشدر . تشهیر ایدیلن آثار حد وسطی یی کو ستر مکده در .

بزم معارفنک اسکی بر غننه سی واردر . قدیم لاتین ماناستر مکتبلری و شهر مکتبلری ، دهاقرون و سلطانک باشلانغیچنده بر درجه مکملیه واصل اولمشدری. دوردنچی قارل ۱۳۴۸ سنه سنده پارس دارالفنوننی تقلیداً پراغ دارالفنوننی - که او دارالفنون وسطی آوروپاده ایلک مکتب عالی ایدی - کشاد ایدنجه مکاتب مذکوره طرفندن حاضر لائش بر جوق طلبه بولدی .

بو دارالفنون بوتون آلمانیا ایمپرتورلقنه مخصوص اولقله برابر ، چه طلبه سی آز بر زمان ظرفنده یالکیز عدداً ده کیل معناده بر فائیت قازاندی. ژان هوس، هیرونیوس فون پراغ ، یاقوبه ک کیبی مشاهیرک به تیشمش اولماسی بونک بارز دلیلدر. انجیل قارئی شتیتنی نک Stitny وبالخاصه ده رین بر متفکر اولان هلچیتسکی (Chelcicky) نک ناملری ، دیگر مملکتلره نسبتله بو مملکتده معارفک خلق طبقه لری آراسنده نه قادر فضلہ نفوذ ایتدیکی کو ستر مکده یارار . دیگر مملکتلرده صرف علمانک اشتغال ایتدیکی مباحث مملکت مزده عوام خلقلک غدای معنویسی مقامنه کچدی . هلچیتسکی نک پدر معنویسی اولدینی (برادرلر اتحادی) طرفندن تأسیس ایدیلن نمونه مکتبلری ، بالآخره انکشاف ایدن تدریساتک اساسلرینی احضار ایتدی . بو

هيٽڪ اعضای معتبره سندن اولان و تدریسات جدیدہ نڪ مؤسس مشهوری بولونان یان آموس قومنسکی Jan Amos Comenski آثارندہ فی الاصل کندی وطنک تربیہ و تدریساتنک اعتلاسی هدف اتخاذ ایتدی . فقط چہ دولتک اضمحلال مؤسفنند صوکر اکندی خولیالرینک وطن معززندہ تحقیق امکانک منسلب اولدیغنی کورہ رک ممالک اجنبیہہ التجاہیہ مجبور اولدی . اورالردہ کندیسنہ جہانشمول بر شہرت قازاندران آثارینی نشر ایتدی .

سز ، سرکیدہ قومنسکی نڪ لاتین مکتبلرنہ تخصیص ایتدیکی مہاعینک آثارینی مشاہدہ ایدہ جکسکز . وینہ بورادہ ، مکتب تالیہ مزک تضيقات اجنبیہ تحت تأثیرندہ بولوندیغنی ائکشافاتی دخی کورہ جکسکز .

کیلیسہ مکتبلری ، بالخاصہ جزویت مکتبلری ، ایکنجی ژوزہ فک عناصر اجنبیہی آلمانلشدیرمغہ اوغراشدینی دورہ و مکتبلرک جسمانیلشدیریلہ سی ایچون یاپیلان تجربہ لر حیات معارفزدہ شایان دقت ایزلر براقشدر . مکتب تالیہ مزک مقدراتی ، مملکتمزک دوچار اولدیغنی سیاسی فلاکتہ لرک بر آیینہ انعکاسیدر . ۱۸۴۸ سنہ سندنہ بونیتس و اکسنہ Bonitz, Exner علمی نقطہ نظرندن شایان دقت اولان برتشکیلات لایحہ سی سایہ سندنہ لاتینجہ نڪ منحصرأ حاکم اولدیغنی قدیم آلتی صنفلی قوللہ ژلر ، ایکی فلاسیک لسانہ استناد ایدہ رک معلومات عمومیہ ویرہن مکتبلر حالنہ قلب اولوندی . بوصورتلہ چہ ملتی ، معارف ساحہ سندنہ کندی ملی حقوقنی طایتدیرمق غایہ سنی تعقیب ایدیوردی . فی الحقیقہ مکتب تالیہ ملتک قوای اقتصادیہ و فکریہ سنک تراپندنہ — بعض مشکلاتہ تصادف ایتمک لہ برابر — بویوک برعامل اولدی . آلمان ویا آوستریا ماسکسی تحتندہ چہ ملتی روحاً انکشاف ایدیور و معلملر تعقیبات تہلکہ سنہ رعماء شایان تقدیر برجسارتلہ ملیتنی مدرک یکی نسللر یتشدیریوردی . ایشته بویلہ جہ ایکی قافلی قارتالک بد نظرلری آلتندہ چہ علم و حرثی احضار اولوندی .

۱۹۰۷ سنہ سندنہ اسکی «تشکیلات پروژہ سی» نڪ قسماً تعدیل و تطبیقی فرصتی ظہور ایدنجہ مستقل رہ آل مکتبلرینک تاسیسی ، دیگر رہ آل کیمنازیوم ورہ قوم رہ آل کیمنازیوم شکللرینک احداثی امکانی حاصل اولدی . بوصیرادہ قریژہ رک Krizek ودریتنا Dritna کیی مشہور چہ پداغوغلری اورتایہ آیتدیلر و آوستریا مکتبلرینک تشکیلاتنہ تأثیرلر اجرا ایتدیلر . مازاریق طرفندن تربیہ و تعلیم کورمش اولان چہ معلملری مکتب سالونلرینہ یکی بر علم و فلسفہ روحنی نقل ایتدیلر .

۱۹۱۷ سنه سی انقلابی ، چه مکتب تالیه-نه یکی وظائف تحمیل ایتدی . ابتدا مکتبی اداره نك اعمال ایتدی کی چه انستیتورینی احیا و یکیدن وجوده کتیره جگ و بالخاصه تجدیداً بر چه قوسلو و اق مکتب لری تأسیس اید جگ اولان بر اداره مکتب تشکیلاتنک وجوده که تیرله سی ضرورتی حاصل اولدی . بومسئله حسن صورته حل ایدیش ایسه بونی چه قوسلو و اق معلملرک حس فدا کاریسنه و اثر بصیرتنه مدیونر . سرکینک تشکیلات معارف دائره سنده مکتب تالیه مزك حال حاضرینی کوره بیلیر سکزر ؛ سز اوراده تشهیر ایدیلن خریطه لر دن مکتب لریک ناصل تحویل موقع ایتد کربنی و کذا جمهوریتک ، ملی اتلیتره مخصوص مکتبلره نه . یوک اهمیت و یردیکنی کوره جکسکزر . عینی زمانده ، تکامل طریقنک کوستردیکی استقامتمده فقط یینه عصری ، ددموقراتیک و لیبرال اساسله ابتداء مکتب تالیه نك اصلاحی ایچون نه قادر بو یوک بر غیرتله چالیشیلدینی مشاهده اید جکسکزر . مختلف لایحه لر دن استخراج ایدیش بر چوق دیباغراملر ، مکتبک اصلاحنه دائر یازیش بر چوق کتابلر و مقاله لر بو ایشک نه قادر بو یوک بر علاقه ایله تعقیب اولوندیغنی اثباته کفیدر .

ایشته سزه عرض ایتدیکم وجهله بو سرکی بزم مکتب تالیه ساحه سنده کی مساعیمزك بر آینه سیدر . دیگر شعبه لر ، طلبه و معلملر طرفدن مکتب داخل و خارجنده وجوده که تیریلان اشیا به تخصیص ایدیشدر . اوراده طلبه نك وظیفه دفترلرینی ، رسملرینی کورور سکزر . بوندن ماعدا صنایع درس خانه لرند ؛ طلبه طرفدن اعمال اولونان اشیا تشهیر ایدیشدر . صوک عصرده انتشار ایدن « أمک مکتبی » پرنسپی صوری بر طاقیم مشکلاته رغماً بزم خلقجی ذهنیتمه موافق کلکده در . بزم تالیه و عالیه طلبه مز بو یوک اغرب دولتلری طلبه-نك عکسنه اولارق ، اکثریتله خلق طبقه-نه منسوب عالم لر دن نشأت ایتکده در بو کابناء مکتب طلبه-نه پایلان اجتماعی معاونتلر - که بونلرک تأثیرات و نایج و مشکلاتی مکتب سرکیسنده کوره جکسکزر - جالب دقتدر . بوندن ماعدا طلبه نك مکتب خارجنده وجوده که تیردیکی خصوصی ایشلر ادنی و بدیی تجربه لر ، کنج لریک اشتغالات ذهنیه سنی ارائه ایدر . بو قولکسیونلر ، چوجوق روحیاتنه متعلق زنکین بر تتبع منبئی اولایلیر .

سرکینک تشکیلات قسمی ، بالخصوص معلملرک خصوصی اولارق وجوده که تیردکری آثارشایان دقت بروشقه در . احوال دولایسیله چه قوسلو و اق معلملری مساعیلرینی علی الاکثر مکتب خارجنده تشمیل ایتک مجبوریتنده درلر . بزم وضعیتیمز

معلملردن، اونلرک خلق تربیه سیله مشغول اولمالرینی، اجتماعی و ادبی فعالیتلرده بولونمالرینی استلزام ایتمکده در. مشهور علم آداملرینک برچوخی یسه معلملری آراسندن یتشمشدنر. بوراده مختلف فیرمالر طرفسندن تشهیر اولونان آلات درسیه قسمی ده آیریجه دقتله زیارت ایتمک ایجاب ایدره. بز اولجه آلات درسیه مزنی آوستریانک پای تختندن جلب ایتمک مجبور یتنده ایدک؛ آنجاق برقاچ چه فیرماسی ویانه تجارتخانه لرینک رقابتنه قارشلی دوراییلوردی. حالبوکه، شیمدی بوراده کوردیککنز آلات درسیه نک کافه سی مملکت داخلنده اعمال اولونمشدر. اساس اعتباریله معمولات اجنیه سرکی به قبول ایدپله مشدر.

تدریسات تالیه سرکیسی حرچه قوسلواق حکومتنده بو نوعدن وجوده که تیریله ن لایک سرکیدر. مکمل اولدینی ادعا ایدیه مزسده طرفکیرلکدن آزاده وجدیدر. محترم مادام وموسیولر، معزز مسلکداشر، جمله کزه بیان خوش آمدی ایلرم.

..

تیاترو

بو آقشام قونفره اعضاسی تیاترویه دعوتلی ایدیلر. شهر تیاتروسنده چهلرک اک مشهور بسته کارلرندن سمه تانا (Smetâna) نک (Prodana neveta) یعنی «صاتیلمش نشانلی»، نام اوپه راسی تمثیل اولونویوردی. اثرک قیمت صنعتکارانه سی یوکسک اولدینی کیبی آقتورلرک تمثیلده کی قدرتلی دخی آلفیشلری تضاعف ایتدیریوردی. سمه تانا ۱۸۲۴ سنه سنده تولد ۱۸۸۴ سنه سنده پراغک مجانین خاستاخانه سنده وفات ایتمشدنر. بر جوق اثار موسیقیه تألیفنه موفق اولمش و (صاتیلمش نشانلی) اوپه راسنی ۱۸۶۶ سنه سنده قلمه آلمشدر.

قونفره نک کشادی

۲۸ آغستوس. صالی.

بوصباح ساعت اون راده لرنده پراغ بلدییه سی طرفندن انشا ایتدیرلش اولان مراسم دائره سنک (Obecni Dum) سمه تانا سالوننده بین الملل مکاتب تالیه قونفره سی صورت مطنطنه ده کشاد ایدلدی.

رسم کشادده چه قوسلو و اق معارف ناظری موسیو به هینه Bechyne بین المللی مکاتب تالیه معلمری فده راسیونک اداره هیاتی ، چه قوسلو و اق معلملر جمعیتی اداره هیاتی ، پراغده کی دول اجنبیه سفرا سندن بعضیلری ، دیگر نظارتلر مثللری ، دارالفنون معلملرندن وفنون آقاده میسی اعضا سندن بعضیلری و ممالک اجنبیه دن قونفره به کلن مرخصلر حاضر بولون دیلر .

چه قوسلو و اق معلملر جمعیتی رئیس موسیو دو قنور ژا فو تس (Dr. Frant. Zakavec) فرانسجه اوزون بر نطق ایراد ایدره کی قونفره بی کشاد ایتدی ؛ نطقک خلاصه مالی شودر :

شیمدی به قادر اولان قونفره لر دائماً مجاور مملکتلرده ؛ بلجیقا ، فرانسه ولو کسنبورغده طویلاندی . بو دفعه طویلانان قونفره مرخصلری ، آرو بانک وسطنه ، یکیدن احیا اولونان چه قوسلو و اق جمهوریتک قلی مقامنده اولان پراغ شهرینه کلک ایچین اوزون مسافه لر قطع ایتک و بر چوق حدودلر آشقی مجبوریتنده قال دیلر . پراغ حالاده ده لریمزک تسمیه ایتدیکی کچی بر « اسلاو پراغیدر » . بوکون ، دنیاده نسبی برسکون حاصل اولدقدن صوکر پراغ داها واسع معناسیله بر اسلاو شهری اولقی ایچین صرف غیرت ایتکده در . منفا حیاتنده کی المرینه شفقتله اشتراک ایتدی کمز بر چوق روسلری بز بوکون کندیمزدن عد ایتکده یز . آق داغ (وایسهن برغ) حربندن صوکر بزد عینی عاقبتیه دوچار اولمشدق . بونلر ، الجاآت احوال دولایسیله دوغرو دن دوغرو به قونفره مساعیسنه اشتراک ایدمه مه زلر سه بیله بز ماسا فلر لریمزد .

بز یکیدن تأسس ایدهن لهستانده کی برادرلریمزک « بورو انترناسیوناله » داخل اولدقلرینی اوکره نمکله مسعود . کذا سیاسی رابطه لرله مربوط اولدیغیز یوغوسلاوایی قارده شلمزی بوراده کورمکله مفتخرز . (بورو انترناسیوناله) داخل اولان اسلاو معلمین جمعیتلرینک مساعی مشترک سندن نافع ثمره لر حصوله کله جکنی امیدایدیورزه . قونفره ده بولغار حکومتی تمثیل ایدن عالمی ده حرمتله سلاملارز .

چه قوسلو و اکیاده کی آلمان مسلکدا شلریمز آیری بر جمعیت وجوده که تیر دیلر . فقط بورو انترناسیونالک نظامنامه سی هر مملکتک یالکیز بر معلملر جمعیتی واسطه سیله تمثیلی اساسی قبول ایتدی کندن آلمان معلملر جمعیتی ، چه قوسلو و اق معلملر جمعیتیه التحاق ایتیه جک اولور سه رسماً طانمایه جقدر . بز اونلری مسافر صفتیه قونفره به

دعوت ایتدك . اكر كمشلر سه استقباله بورو انترناسیونالك آغوشنده بوتون ملتلك مشتركاً چالیشه بیله جكلرینه بر دلیل عد ایدرك كندیلرینه بیان خوش آمدی ایدرز .

کندیسه جدا خوش کچینمك ایسته دیکمز قومشومز آوستریا مرخصی ده آیریجه سلاملارز .

چه قوسلولواق معلملر جمعیتی ، بو دفعه کی قونفره نك تنظیم وترتیب ایدیله سی وظیفه سنك کندیسه تحمیل ایدیله سندن دولایی بر حس مفخرت دویار .

معلملر جمعیتمك قرقچی سنه دوریه شنلکی نك عینی سنه یه تصادفاتمه سی قونفرنك اهمیتی آیریجه آرتدیرمقده در . بوندن قیرق سنه مقدم ، معلملر جمعیتی ایلک تأسیس ایدیلکی زمان ، کندیسه بویله شرفلی بر وظیفه ایفاسنك اصابت ایده جکنی اصلا تحیل ایتمه مشدی . بزم سزی دورت بیک چه قوسلولواق معلمی نامنه پراغ ده سلاملامقله نه بویوک بر حس افتخار دویدیقمزی تصور ایده بیلیرسکز . بوکون بزه بو شرفی نصیب ایدهن ، اختیاری منفاسندن بری بزم حریتمز ایچون چالیشان رئیس جمهوریمز پروفسور طوماس غاریغ مازاریکدر . بر چوقلریمزك معلمی اولان محترم عالم بو قونفره یی حمایت عالیه سی آلتنه آلدیغندن دولایی جمله مز کندیسه مدیون شکراتز .

پراغ قونفره سنه اشتراك ایدهن بوتون اجنبی مرخصلرینه عرض تشکر ایدرز . چه قوسلولواق حکومتی مثللرینه وبالخاصه بو قونفره نك ترتیب وتنظیمی خصوصنده قیمتدار معاشرتلهربولونانوبوکون حضوریله اجتماعمزی شرفلندیره ن معارف وحرث ملی ناظری جنابلرینه آیریجه تشکرایدرز .

کذا مراسم دائره سنی مساعیمزه تخصیص ایدهن واسکی شهراماتی بناسنده بزی قبول ایدمك اولان مجلس بلدیه تشکر ایدرز . حضورلریله قونفره یه شرف ویره ن بوتون جمعیتله : چه قوسلولواق فنون وصنایع نفیسه آقاده میسنه ، دارالفنون وصنایع عالیه مکتبلرینه ، پراغ فرانسر انستیتوسنه ، جمهوریتك ملکی وعسکری مامورلرینه ، بو مراسم اشتراك ایدهن بوتون جمعیتله تشکرایدرز .

انسانلرك تسعید ایتدکری بوتون شنلکله بر آاز آجیلق قارشیر . المناك بر وظیفه نك ایفاسی ایچین ، ثولولریمزی دوشونمك مجبوریتندیم : بورو انترناسیونالك مؤسسی ویقتور اوکوست ویتمانك جمعیتمك هیأت فخریه اعضاسندن قارل قلوسترمان وآدولف هایدوقك حرمتله ناملرینی تذکار ایدهرم .

بو الیم ضایعاتدن متولد حسلیرمیزی ، بوتون قوتی ملتزمك تربیه سنه حصر ایدهن رئیس فخریمز ئی راشهكك فعالیتی تعدیل ایتکده در . بز کذا لیسه معلملرندن بری اولوب پراغ دارالفنونك فخری پروفسوری عنوانی اکتساب ایدن و ده قرالفننده شاتولر و قلعه لر ، اثر مشهورینك مؤلفی بولونان و بودفعه سکسانجی سال حیاتی ادراك ایدهن سه دلاچهك August Sedlacek ایله مفتخر بولونویورز .

ملتك حیاتنده بر پروفسورك فعالیتی واسع و ثمره داردر . دهنیس (Denis) و هوس دن مازاریقه کلهجهیه قادر مکاتب عالییه معلملرینك چه تاریخنده اوینادقاری رولی تصویر ایتشد . ابتدائی معلمنك یاپدینی خدمتده بوندن آشاغی ده کیلدر . تالی معلملرینك اهمیتنی انکار ایتك ، جعلی بر تواضع اولور . بالخاصه کهن عصرده چه قوسلو و واق ملتك حرثی و سیاسی استقلاللی ایچین لیسه معلملری چوق چالیشمشلردر .

نهایه اتناهیه ملی فکر غلبه چالسه بیله ، بو غلبه ، ملتك بوتون احتیاجاتی تطمین ایدمه ز . پالاتسکی (Palacky) دنیانك تشکیلات مستقبله سنی خبر ویرمشدی . یونغ مان (Jungmann) (نرودا (Neruda) ، ورخلیتسکی (Vrchlicky) چه قوسلو و واق ملتیه عالم مدینتك کهنیش پنجره لرینی آچمشلردر . بو ذوات سلفلری اولان یان آموس قومنسکی (J.A.Komenski) نك مثالیه امثال ایتمشلردر .

قومنسکی نك فکرلری بزم انتباه ملیمز دورنده ، له سینغ ، هه زده ر ، قانت کوته ، شیلهر کی دیگرلرک خدماتی تقدیر ایدهن حقیقی آلمانلر سایه سنده تکرار بزه کلشدر .

ملتیجیلک افراطی و یا ضعیفی دولایسیله شائبه دار اولابیلیر . هر ایکسینکده تاریخده مختلف مثاللری واردر . ملی مزاجلرک بوتخالفنه مستقبل حربلره مانع اولماسی دولایسیله « بین المللیت » دوا اولابیلیر . بز هنوز مدهش بر طوفاندن قورتولدق . آرتیق بر ایکنجه سینه آتیلق ایسته مه ز . انسانیت سوزندن بر شی چیمازه ، دیه ن سسلر آرا صیرا یوکسله بیله ، زمانك مروریله بوندن مطلوب اولان غایه حصوله کله جکدر . هیچ اولما زسه وقت وقت انسانلرک دماغلرخی صاعلام و تازه بر انترناسیونالیزم هواسیله هولاندیرمالی . فقط او یله بر انترناسیونالیزم که ، تدعیش ایتمه سین باریشدیر سین ، آیرماسین ، برلشدیر سین . بوانترناسیونالیزم اجنبی مملکتلری زیارت ، اجنبی دیلارخی تحصیل ، ادبی اثرلرخی مطالعه ، قونفرملره اجابت سایه سنده آکلاشمه واوزلاشمایه بر وسیله اولسون !

مستقبل حربلرك اوكنه كچمك لازمدر ! بو خصوصده معلملر ثمره دار فعاليتلر ابراز ايدمه بيليرلر . كنجلره اوقوتديغمز بوتون مواد درسيه : السنه ، تاريخ و سائرده .. معلمك النده برواسطه محبت و اعمار اولديني كيبي تلقين خصوصت و اجرائي تخريبه ده آلت اولاييلير .

مستقبل حربلرك حدودنه امكان بر اقاملي ، اللريمزه توديع ايديله ن كنجلري اويله تربيه ايتلي زكه ؛ بركون كلوب ده اونلر برلريني اولديرمكه قالقشما سينلر . تاريخ و رياضياتك ماوراسنده ، عالمك آهنگني تأسيسه چالیشان داها عالي برشي واردركه ، اوده اخلاق ، حقيقي انسانيت ، وجدان ته ميزلكنك كوزلككي ، سجيدهر .

چو جو قله اوكره تديكمز علملر و هنرلره حقيقي انسانيت فكريني تلقين ايدرسه ك ملتلر آراسنده منافرت حدودنه و حرب اعلانه مانع اولورز ؛ هيچ اولمازسه بو مجادله بي علمي و اخلاقي بر ساحه يه نقل ايتمش اولورز . معنوي سلاحلره مجادله ايدمه ! بوندن كيমে ضررلي چيقيماز چونكه شاعرك ديديككي كيبي :

« نور اولموز ! يالكيز داها بويوك ،
داها بويوك ، داها بويوك بر نور
قارشيسنده سونوك قالير ! »

پروفيسور ژاڤاوه تسك نطقى شدتله آلفيشلاندی .

معارف ناظري به هي نيه نك نطقى :

بعده چه قوسلو و اق معارف ناظري سوز آلدی :

محترم قونفره !

بين الملل مكاتب تاليه قونفره سنه كلش اولان اجنبي مخلصرينه و محترم مسافرلر يميزه رئيس جمهور نامنه و چه قوسلو و اق حكومتى معارف نظارتى نامنه بيان خوش آمدی ايله رم .

عمومي حريدن بش سنه اوزا قلاشديغمز حالده ، حالا اونك عكس صدالريني ايشيديورز . اوروپاده كي دولتلك بربري آراسنده و سائر قطعه لرده كي بعض دولتلر آراسنده ده مهم اختلاف افكار و حتى دوشمانلق موجوددر . بو اعتبارله ، بزمئلري و دولتلري بربرينه ياقلاشديرمايه معطوف اولان هر تشبني سلاملا رز . سزك قونفره كرى ده

بویله‌جه سىلاملار. هر نه قادار سزك ايشكز، دوغرو دن دوغرويه دولترك سياستيله علاقه دار ده كيل ايسه ده مستقبل نسللري، وطنداشلىرى يه تيشديرمك وظيفه سى سزك الكزه توديع اولونديفن دن بوكونكى طلبه كز آتيا مملكتك سياسى، اقتصادى و حرتى اداره سنى اللرينه آلاجلردر.

اگر جهانك احوالى دوزه له جكسه - كه بنم قناعم بو مركززده در - اول امرده ملتك ذكاسنى انكشاف ايتديره جك تأسيساتى ممكن اولدينى حال مكملته ايصال ايتمك و يه تيشمكده اولان بوتون كنجلره مكمل برتحصيل ويرمك لازمدر!

ايشته، سزله! بو مهم وظيفه نك ايفاسنه دعوت اولونويورسكز!

فجيع كچن اوتوزسنه محاربه سى اثناسنده واوندن صوكرا ملتزك اولادن دن برى، قومنسكى مكتبلك ناصل اصلاح اولوناييله جكنى دوشونمشدى. قونفره كزك پروغرامنه باقيلاجق اولورسه، سزكده بو آغير حريدن صوكرا، مكتبلك بحق وظيفه لرني ناصيل ايفا ايديله جكلرينى دوشونمك و حل ايتمك املنده اولديغكز آكلاشيلور.

پروغرامكزك برنجى ماده سنى، ليسه معلم لرنيك مسلكى تحصيل مسئله سى، دوردينجى ماده سنى تربيه اخلاقيه مسئله سى تشكيل ايديلور. بوايكى ماده آراسنده صيقى و صميمى بر رابطه تأسيس ايديله سنى ارزو ايدهرم. شهبه سز، هر معلمك معلومات ايله مجهز اولماسى لازمدر. فقط معلم، نهمان كندى تدريس اته عموم انسانته خاص و اخلاقى مفكورلرى محور اتخاذايدهرسه، آنجا ق اوزمان حقيقى مرئى اولور. ليسه لرده، طلبه سنه بالكزيبغين ييغين معلومات و يرمكه چاليشوب، تربيه اخلاقيه يي اهمال ايدمك اولورلرسه، وظيفه لرني بحق ايفا ايتمش صاييلمازلر. آنجا ق عملنى علمنه اويدوران و قواعد اخلاقيه يه رعايت ايدن كيمسه لره «عنوانى و يرمكه كنديمزى آليشديرمالى يز. هرملته و بالنتيجه بوتون بشريته بويولده يه تيشمش بر كنجلك اهدا ايتملى يز. ايشته بو، سزك عهده كزه ترتب ايدن شهبه سز چوق آغير، فقط حقيقتاً كوزمل و بوتون جمعيله شرف بخش بروظيفه در. بو وظيفه نك حسن صورته ايفاسنه اوغراشديغكزى كورمكه افتخار ايديلور. بو ساحه ده بويوك ثمرلر استحصالى ايچين قونفره كزه صميمى موفقيت لرتمى ايدهرم. بن، كندى ملت و دولتم نامنه، سزك ملت لرليكز و دولت لرليكز نامنه و نهايت بشرى نك تكاملات مدنیه سى نامنه بوايشده موفق اولما كزى تمى ايدهرم!»

معارف ناظرى طرفدن چه لسانيله ايراد اولنان بونطق، پروفيسور ژاقاوه تس طرفدن قرائت اولنان فرانسزجه ترجمه سى شدته آلقيشلاندى.

بوندن سوکرا رئیس جمهور پروفیسور موسیو مازاریق طرفندن قونفرمه خطاباً کونده ریلنه مکتوب و بونک فرانسزجه ترجمه سی قائماً استماع اولوندی . و حرارتله آلفیشلاندی .

رئیس جمهور پروفیسور مازاریق ک مکتوبی

ماداملر ، موسیولر !

نجی قونفرمه کزه دعوت ایتدی ککزدن دولایی تشکر ایدرم . کشاد رسمنده بالذات بولونامایاجمندن قونفرمه اشتراک ایدهلری و بالخاصه اجنبی مرخصلرینی سلاملارم . په داغوژی مسئله لرینه اک فضلہ یر آیردی ککزر پروغرامکزر ، مکتبلرک و معارف امورینک بوکونکی احتیاجات و مطالبنه توافقی ایتکده در . مکاتب تالیه معلملرینک تحصیل تربیویسی مسئله سی پروغرامک باش طرفنه تصادفاً درج ایدیله مش . نه مرتبه حکومتلر و جمعیت خلقجیلغه دوغرو کیده رسه ، مکاتب تالیه اودرجه فضلہ تبدلاته دوچار اولاجقدر .

آریستو قراتلرک چالیشماق و حاکم اولق مفکوره سنه قارشى ؛ ده موقراسی ، سبک ، بدنی و فکری مساعینک غلبه سیدر . آریستو قراسی زمانندن قاله اولان اسکی مکتب تالی انموذجی بوکون شاکردانه برحق فائده سز و اولوشلر اوکره دیورم ، ظن ایدیورم . تالی مکتبلری حیاتک بوکونکی احتیاجلرینه توفیق ایتک ضرورتی وارد . مقصدم ، مکتب تالی نک ، کنجلری یالکیز تجارت و صنایع کبی حیات عملیه په حاضر لایحی بر مؤسسه حالنه انقلاب ایتمه سی ده کیلدر . مکتب تالی نک وظیفه سی شاکردانی دوشونمکه ، دوغرو دوشونمکه و مساعی علمیه و فنیه آلیشدر مقدر . تفکر ، حد ذاته بر سعی در . مکتب تالی پروغرامنه داخل اولان درس لک قیمت یالکیز عملی نقطه نظرندن ده کیل ، کنجلرک مفکره لرینی انکشاف و تقویه ایتدیروب ایتدیرمه مه سی نظرندن ده تقدیر ایدیله لیدر . مکتب تالی ، بوندن باشقا تربیه په بالخاصه تربیه اخلاقیه په قیمت و اهمیت و یرمه لیدر . قونفره ککزر بو مسئله ایله مشغول اولاجغنی سهو نجله کورویورم ؛ تربیه اخلاقیه مسئله سی بر جمهوریت و بالخاصه بر خلق جمهوریتی ایچین چوق مهمدر . حقیقی ده موقراسی ، اخلاق قوتلرک سیاسی اتحادندن حاصل اولور . تربیه اخلاقیه په قیمت و یرمکه ، افراطه و اران یکجهت آنه لک تو آلیمک اوکنه کچیلش اولور .

تحصيل تالی خرنك انترناسیونالیزه ایدیلہسی تجربہلرینی کورمکله مفتخرم .
مساعیکزک موفقیتہ تتوجنی و نافع ثمرہلر ویرمہسنی تمنی ایدہبم .»

Prof. Jean Claretie رئیس جمہورہ تشکر ایدیلہسنی تکلیف ایتدی .
تکلیف آلفیشله قبول اولوندی .

مرخصلرک نطقلری

بوندن سوکرہ حکومتلر و جمعیتلر نامنه کلہن مرخصلر قیصا بیاناتده بولونديلر؛
بیاناتہ حروف ہجا ترتیبیلہ باشلاندى .

اولا بلجیقا تحصیل تالی سیندیقاسی رئیس وکیلی Prof. Van Lede و سوکرا
فرانسه حکومتی نامنه رسماً مرخص اولارق کونده ریلہن Mr. Petit Dutailis سوز
آلدیلر . مومی الیہ پراغ شہری حقندہ مدامحدہ بولوندى . دون آقسام سیر
ایتدی کمز سمہ تانانک اوپہراسنی ثنا ایتدی . اون سکز دولت مرخصنک پراغ
قونفرہ سنہ اجابت ایتمہ سنک، چہ قوسلو و اق جمہوریتہ قارشى اظهار ایدیلش برتوجہ
اثری اولدیغنی بیان ایتدی . مکاتب تالیہ مسئلہلرینک اہمیتندن بحث ایتدی .

فرانسز قوللہ ژمعلملری جمعیتی نامنہ موسیو Raby قونفرہ مذاکراتنک یالکیزمکتب
مسئلہلرینہ منحصر قالما یوب مدینیت ساحہ سندہ دہ ملتارک تقربنہ واسطہ اولماسی تمینسندہ
بولوندى .

لوکسنبورغ مرخصی Wagener ایکی دولتک اسکی تاریخی مناسبتلرندن بحثلہ
لوکسنبورغک بو ہمایہ دوردنچی قارل کیی بر حکمدار ویردیکندن دم آوردی .
نورویچ لیسہ معلمہلری جمعیتی مرخصی مادمازلہ والبورغ اوتہر، لہستان معارف
مفتشی Kwiatkowski وسائر ذوات مقامہ مناسب قیصا سوزلر سویلہ دیلر .
یوغوسلاویا مرخصی استہ قانونیچ اسلاولق دامارینہ باصارق برآزیاست یاپدی .

ذکی مسعود بکک نطقی

بز ، رسم کشادده بویلہ نطقلر ایراد ایدیلہجکنی بیلمہ یوردق . همان ذکی مسعود
بکک بر مسودہ قلمہ آلدق . نطقلر ملتہرہ نظراً حروف ہجا ترتیبیلہ سویلندیکندن

T حرفنه صیرا کلنجه ذکی مسعود بك كرسى به چيقدی؛ كوزهل و فصیح بر افاده ايله شو مآله بر نطق ایراد ایتدی :

ناظر افندی ، رئیس افندی ، خاتلر وافندیلر !

اول امرده ، توركيايی قونفرمه دعوت ایدن احضاری قومته ايله چه قوسلواق حكومتنه تقدیم تشكرات ایلرم. توركيا برنجی دفعه اوله رق یین الملل تدریسات قونفرمسه اشتراك ایتكده در . فقط بو توركيا نك بوندن اولکی قونفرملر مساعیسنه لا قید قالدینی معناسنی تضمن ایتمز، سزلر جه ده بك اعلا معلومدرکه بز تورككر سنه لردن بری موجودیت واستقلالیزی محافظه ایچون مجادله ده بولونویوردق. بوتون مادی ومعنوی قوتلر منر آنجق بو مجادله ده مظفر چیقماق جه دواملنه مصروف ایدی. بوگون توركيا خارجی و داخلی دوشمانلردن قورتولش ، سربست ، مستقل بر دولتر . حكومتی الك ده موقراتیک بر شكل اداره به مالکدر. خلق حكومتلرینك اك برنجی وظیفه سی خلقی تعلیم وتنویر ایتك اولدینی ایچون بویوك ملت مجلسی حكومتی ده بو نقطه به بوتون دقت وغیرتی حصر ایتشد . اوروپا علم وعرفانندن استفاده ایچون هر درلو وسائطه مراجعت ایتدیکی کبی، داخلآده معارف ومکاتب تشکیلاتی تنسیق ایچون اعظمی قدرتی صرف ایتكده در . بز تورككر امید ایدیورزکه بو قونفرمك مساعیسندن پك چوق استفاده ایده جکزر. مملکت مزه یکی وكوزهل فکرلر نقلنه موفق اولاجفز . قونفرمك موفقیته تمی ایده رك جمله کزی كرك حكومت و كرك توركيا معلمری نامنه سلاملارم .

یاشاسین یین الملل تدریسات قونفرمسی ! - یاشاسین مسافر پرور و سربست چه قوسلواکيا ! ،

ذکی بلك نطقی آبی بر تأثیر براقدی وشدته آلقیشلاندی .

بومراسمك ایفاسندن صوكراسکی شهراماتی بناسنه کیدیلهر ك اوراده مرخصله شهر نامنه بیان خوش آمدی ایدیلدی . بعده امانت دائره سنده کی مجهول عسكرك قبری زیارت ایدیلهر ك چلنكلر وضع اولندی. حاضر لانان بوفده قهوه آلتی ایدیلدی.

لیسه معلملرینک تربیوی تحصیلاری

La formation pédagogique des professeurs de l'enseignement secondaire

۲۸ اگستوس صالی . اوکله دن صکره ساعت ۳ .

بهلته ت طرفدن جلسه آچیلدقدن صوکر ا برون Brno شهرنده یکی آچیلان مازاریق دارالفنوننک علم تربیه مدرسی موسیو هلوپ Chlup طرفدن حاضرلانا فرانسه زجه راپور قرائت اولوندی . خلاصه مائی بوجه آتیدر :

«صوک یکرمی اوتوز سنه طرفنده علم تربیه، فلسفه دن آیریلارق مستقل وقطعی بر علم حاله کلمشدر . فقط معلملرک تربیوی تحصیلاری بو علمک ایجاباته توافق ایتمکدن هنوز چوق اوزا قدر .

معلم اولایلمک ایچین ائی بر تحصیل علمی کورمک کافیدر اعتقاد باطلی معلملرک بهداغوزیک تحصیللرینک انکشافه مانع اولمقدهدر . معلمک کندی انسیاقلرینه تبعاً ائی تربیه وتدریس اصوللرینی کشف ایده بیله جکی ظن اولونویور ؛ تربیه روحیات وتشکیلات معارف حقنده سطحی بر معلوماته مالک اولماسی کافی کورولویور . اورتا مکبلرده ویریلن تحصیلک هیئت عمومیه سنی کوز اوکنه کتیره جک اولورسه ق، حدندن فضله یوکلر پروغراملرده، کنجلره برینه مربوط اولمایان بر چوق متفرق معلوماتک ویرلیدیکی کورورز .

مکتب شاگردانه تحصیل عمومی پرنسیپلری آشیلا یاق یرده اولنری بر قسم علملرده اختصاص پیداسنه ودیکر بر قسم علملری اهاله سوق ایدیور . پروغراملره درج ایدیلن موادک انتخاب و ترتیبده کیت و کیفیت اعتباریله معلومات بشریه نک بر سلسله مراتبه تابع اولماسی، مختلف معلومات آراسنده کی مناسبت مقابله نک محافظه سی لزومی و بونلرک طلبه نک تربیه سنده اوینادیی رول نظر اعتباره آلتمايور .

ایشته بوسیدن معلملرک تحصیل تربیولرینی فلسفه واجتماعیاته استناد ایتدیرمک ضرورتی حاصل اولویور . علملر، تصنیف ایدیلدکدن صوکر ا تعین ایدن غایه و اصولره کوره و تربیه عمومیه و عملیه نک احتیاجاته نظراً، اوقوتولان درسلی بر

کره نظر تفتیش و معاینه دن کچیرمک ایجاب ایدم جکدر . مکتبلرده غذا مقامنده ویریلن فلسفه درسی ، تحصیل عمومی ده (culture générale) آهنگ و وحدت تأسیس ایدم جکی کبی ، کلیت حسنک (le sentiment de l'universel) حصولی ضمننده ده هر بر علمک حصه سنه اصابت ایدن قسمی تعیین ایدم جکدر .

عمومیتله تربیوی ماهیتی حائر اولان بو علملره بن ، بدیعیاتی و فلسفه صنعتی ده علاوه ایدیورم . بر قاج معلمک عشق ایله طلبه ده حصوله کتیره جکلری ذوق بدیی ، تعمیق و تربیه یه تطبیق ایدیله جک اولورسه ، معلملرک تربیوی تحصیلنه چوق یاردیم ایدیش اولور .

فلسفی علملرک یانی باشنده ، معلملرک په داغوریک حاضرلغه یاردیم ایدم جک دیکر علملرده واردرکه ، بونلرده علوم طبیعی و علوم معنویه (Science de l'esprit) در . بوساحه لرده استحصال ایدیلن نتایجک لیمه معلمنه معلوم اولماسی اقتضا ایدر . مکتب طلبه سی ، پسیقوفیزیک بر اورغانیزمدر . معلمک بونی اساسندن طانیامسی لازمدر . صوگ زمانلرده فیزیولوژی ، بیولوژی و بسیقولوژی تدقیقات و تجاربی پک سریع بر ترقیه مظهر اولدی . بو علملر حقنده عمومی معلوماته مالک اولمایان بر معلم ، چوجوقلرک مزاجلری ، اوصافی و نقایصی ، آکلایاماز و شخصی سیالری (physionomie propre) طانیاماز ؛ شایان تأسف بر چوق خطالرده بولونور . چوجوقلغک و مراهق لکک بیولوژیسی ، چوجوغک بنیه سنه نظر آ حصوله کلهن آنا تومیک و بیولوژیک تحولات ، آنزوپومتریکی و پیدومتریکی (مساحت بدن) معلومات ، « صهی علم تربیه » نک القباسی دیمکدر . مکاتب حفظ صحتک باشلیجه موادینک بلنمه سی ، چوجوقلرک احوال بدنیه ، ذکا و اخلاقلرینک سالم بر صورتده معاینه و مشاهده سنه مدار اولایلیر .

بز بوراده معلم نامزدینک اوزون اوزادی یه حیاتیات تحصیل ایتمه سنی قصد ایته بورز . بومبحث حقنده بر فکر عمومی یه صاحب اولماسی و حیاتیاتک تربیه یه قابل تطبیق نتایجی بیلمه سی کافیدر .

چوجوق غریزاتی (Pédopsychologie) ، چوجوق تشریحی (Pédoanatomie) ، چوجوق اجتماعی (Pédosociologie) بکون « علمی تربیه » تدقیقانه اساس اتخاذ ایدیلشدر .

صوگ زمانلرده روحیاتک یابدینی بویوک ترقیلر اوزرینه ده نظر دقتی جلب ایتمک

لازمدر. اسکی علم تربیه، عمومی روحیاتک (Psychologie générale) ویردیک. فکرلر و یابدینی تعریفلره اکتفا ایدیوردی. بوکونکی علم تربیه ایسه، جوجوق روحیاتی حقنده یاپیلان مشخص تدقیقلره les études pédopsychologiques وطلبه آراسنده فردی فرقارک تعمیقنه examen psychologique des élèves دوغرو کیمکدهدر. لیسه معلملری، شاگردانک اوصاف فکریه و اخلاقیه لرینی دها آئی آکلامق ایستزلرسه Catell, Binet, Stern et Meumann طرفندن طلبه اوزرنده یاپیلان تدقیقات و تجاربی تعقیب ایتک مجبورینندهدرلر.

بوندن ماعدا لیسه معلملرینک « اصول تدریسک » قواعد عمومیه سنه و تدریس ایتدکلری درسک قواعد خصوصیه سنه واقف اولمالاری و مکتبلرک تشکیلاتی (اورغانیزاسیونی) بیلملری لازمدر. اصول تدریسک قواعد عمومیه و خصوصیه سی اسکیدن اولدینی کیی à priori وضع و تأسیس ایدیلهمهز. تجاربک ویردیک نتایج کوره علمی برصورتده تثبیت اولونمالیدر. شاگردانی آئی برصورتده تدریس و تعلیم ایده بیلیمک ایچین، معلمک کندی وظیفه سنک غایه سنه نفوذ ایده بیلیمه سی و فقط حرکتی بیلیمه سی لازمدر. بوده آنجاق جوجوغه ویریله جک شوکا ویا بوکا متعلق معلوماتی آلدیه ایتکله اولماز. بلکه بومعلوماتی آلاچق اولان طلبه نک اوصاف فردیه و خصوصیه سی بیلیمکه اولور.

حال حاضرده معلم نامزدلرینه ویریلن تربیوی تحصیل غیر کافیدر. چونکه اولا بوکون معلم نامزدلرینه ویریلن په داغوژیک معلوماتک قسم اعظمی نظریدر. و بوکون یینه دیکر اقسامک ضررینه اولارق تربیه تاریخنه دها زیاده اهمیت ویریلکدهدر. بوایه، حافظیه برجوق اسملر و تاریخلر یوکتیمکدن باشقا برایشه یارامیور. تربیه تاریخی histoire de l'éducation یرینه تربیه تاریخنک فلسفه سی. Cours de la philosophie de l'histoire de l'éducation یعنی تربیه یی ایضاح ایدنه باشلیجه فکرلرک تعلیمی دها موافقدر.

بوندن ماعدا بن معلم نامزدلرینک

la psychologie théorique نظری روحیات

la pédopsychologie جوجوق روحیاتی

la psychologie de l'élève طلبه روحیاتی

فردی روحیات la psychologie différentielle

تجربی علم تربیه la pédagogie expérimentale

لاوقومالرینه لزوم کوروپورم .

معلم نامزدلرینی حیات حقیقه تجاربیه تماسه کتیرمک ایچون عجله ایدم .
 لابوراتووارلرده کندی اختصاصلری دائره سنده تربیوی تجربه لرده بولونسونلر .
 دارالفنونلره ملحق تطبیقات مکتبلیری یاپام . اوراده کنجلر ایلك تدریس تجربه لرنده
 بولونسونلر . چونکه برکنج معلم آنحاق قارشیسنده طلبه بولوندینی زمان اونلره
 خطاب ایتمک احتیاجنی دویار . تربیه وتدریسه متعلق آناری احتوا ایدن برکتبخانه نك
 وجوده کتیریمه سی معلم نامزدلرینك تربیوی تحصیللرینك اتمامنه خدمت ایدر .
 بوتون معلم نامزدلری بوراده چالیشمغه شتاب ایتمه لیدرلر . بزده لیسه معلملی
 یه تیشدیرمک اولان دارالمعلمین عالیه هنوز تأسیس ایدیلمه مشدر . معلم اولمق ایسته یه ن
 طلبه ، دارالفنون درس لرینی تعقیب ایدیور . صرف تدقیقات علمییه و فیه ده بولمق
 ایسته یه ن طلبه ایله بالاخره معلم اولمق ایسته یه ن طلبه یی بربرندن تفریق ایتمک وبوکا
 نظراً تدریسات اجرا ایتمک زمانی کلشدر .

پروفیسور موسیوهلویك راپورندن صوکرآء لیسه مدیری وپراغ ده کی قومانیوس
 تربیه دارالمساعیسی اعضاسندن موسیو وانورا Vanura نك معلملرک تربیوی تحصیله
 متعلق فرانسزجه راپوری قرائت اولوندی .

بو راپورک خلاصه مائی بر وجه آتیدر :

«معلمک موفقیتنی تأمین ایدن ایکی سر واردر: عشق و علم . طلبه سنه کندی*
 ذکا وقلبک جوهر مفیدیسی مبدولاً ویره ن بر پروفیسور ، بر زمره منوره élite
 یتشدیرمک شانسنه ده ازیاده مالکدر . بالعکس استعداددن زیاده قازانچ تأمین مقصدیه
 مسلكه کیره نلرک طلبه اوزرنده بر نفوذ اخلاقیسی اولامادینی کبی بویه کیمسه لر
 وظیفه لرنده ده موفق اولمازلر . دیگر طرفدن عجبی بر معلمک یامغه باشلادینی تدریس
 تجربه لریده طلبه نك ضررینه اولور .

معلملرک طلبه سنه قوتلی بر علم تحصیلی ویرمه سی کافی ده کیلدر . اونلرک تربیه لرله ده
 مشغول اولماسی ضروریدر . بو اصیل وظیفه یی ایفا ایده بيلمک ایچین معلمک بر
 تحصیل علمی ایله برلکده برده تحصیل تربیوی آلماسی لازمدر .

لیسه معلمی بر طرفدن دارالفنونه په داغوژی نظریاتی کورمه‌لی ، دیگر طرفدن سه‌مینورده واستاژ ائسانده تطبیقات ییما لیدر .

معلم نامزدلرینک تربیوی تحصیللرینی یوکسلاتمک ایچین تعقیب اولولاجق عملی یول‌هانکیسیدر ؟

بر طاقلری نظری اولارق شویله دوشونویورلر : طلبه اولا اختصاص پیدا اتمک ایستهدیکی علمله عايد معلوماتی دارالفنوندن آلسین . بونک ختامندن سوکرا آریجه علم تربیه‌نک نظریات و تطبیقاتی کورسون . بو تکلیفه قارشی ایکی اعتراض سرد ایدیلکده در :

۱ — دارالفنونه‌کی تحصیل علمی اکمال ایدیلدکدن سوکرا ویریه‌جک تربیه درسری ، طلبه‌نک مدت تحصیله سنی برسنه ده‌ا تمديد ایتش اولاجق و بو مدتک ترفیع قدملرینه تأثیری اولمایاجقدر . بو تشکیلات ، طلبه‌نک اساساً فضله اولان اقتصادی مشکلاتی آرئدیراجقدر .

۲ — علم تربیه‌نک نظریات و تطبیقاتی بربری اوستنه برسنه کیبی نسبتاً دار بر زمانه صیقیشدیرمق طلبه‌اوزرنده پایلاجق فکری و اخلاقی تأثیرلرک قوتی آزالئاجقدر . بوکا بناء مسئله‌نک حلی ایچون باشقا بر تکلیف سرد ایدیلور وده‌نیورکه ، طلبه دورت سنه دوام ایدن دارالفنون تحصیل ائسانده اختصاص درسلیله برابر نظری تربیه درسلیرنده دوام ایتلی ؛ آلمان معلومات نظریه سه‌مینورده و په‌دولوژی داز المساعیسنده اکمال ایدیله‌لیدر . اصول حقنده‌کی معلوماتلرینی ده ، مقتدر لیسه‌معلمی طرفندن سه‌چله‌جک lecteur لرک درسلیرنی استماع سایه‌سند آلمغه باشلامالیدر . بوندن سوکرا معلم نامزدی تجربه دیده بر معلمک نزدینه ویریه‌لرک کندیسنه اصغری ساعات دروس ویریه‌لی ؛ استاژیهر طلبه کندی معلمک ودرسنه تعلق اولان معلمک درسلیرنه کیرمک مجبوریتنده اولمالی . ودوامه مجبور اولدینی ساعتلر اورتا تدریسات قانونه کوره تنظیم اولونمالیدر . عجبی معلمی یه تیشدیرمکله مکلف اولان اسکی معلمله‌ده بو خدمتلیرنه مقابل بر اجرت منضمه ویریه‌لی . مکتب مدیریتده نامزدلری اداره خصوصاته آلاشدیرمالیدر .

استاژ مدتی بر سنه دوام ایتلی ، طلبه تطبیقاتده موفق اولامازسه آلتی آی دها تمديد اولونمالیدر .

استاژ مدتنك ختامندن صوكرا طلبه علم تربيه امتحانه كيرمه ليدر .
 هيات مميزه شو صورتله تشكيل ايتمه ليدر :

۱ — اختصاص درس ليرندن امتحان ايدن هيات مميزه رئيسي .

۲ — علم تربيه مدرسي .

طلبه نك اختصاص درس نك لكتورى .

« « « بر معلمى .

امتحان سؤاللى علم تربيه، اصول تدريس وتشكيلات معارف بختلرندن انتخاب ايديله ليدر .

بو طرزده ياپيلاجق اصلاحاتدن بروجه آنى فائده لر حاصل اولاجقدر :

۱ — علم تربيه تحصيل نك درت سنه يه توزيى، معلوماتك تدريجاً تكميل وهضم ايديله سنه ياراياجقدر .

۲ — حال حاضرده كى معارف قانونى ، استاژ سنه نك قدم ترفيى سنه لرينه ادخال ايديله سنه مانع تشكيل ايتمه مكدده در .

• •

بو ايكي راپورك قرائتندن صوكرا جريان ايدن مذاكرات ائناسنده تبلر ايدن افكارك خلاصه سى بروجه آتيدر :

اوقراينا ملتجيلرندن مادمازل روصووا سوز آلارق معلملرك بر په داغوژى ائستيتوسنده درت سنه لك برتحصيل مسلكى كورمه لرينك موافق اولاجغى و دارالفنونلرده لابوراتواره مالك بر روحيات وپه داغوژى مكتبنك تاسيسى لزومنى كال حرارتله مدافعه ايتدى .

بولغارستانك پراغ سفيرى و صوفيه دارالفنونك تربيه وروحيات مدرسى غوسپودين ميخالچف ، صوفيه دارالفنوننده معلم نامزدلرينك ايكي سنه سوره ن استاژ سنه لرى طرفنده عمومى علم تربيه ايله انتساب ايتدكلرى شعبه علميه نك اصول تدريسنى كوردكلرينى وبوندن فوق العاده استفاده ايديله ديكنى بيان ايتدى .

موسيو وايتس (چه قوسلوواقيا) مكاتب تاليه معلملرينك احضارى ايچون دارالفنونلرده سمينه لرلك ويينه دارالفنونه مربوط تطبيقات ليسه لرينك احداثى، تدقيق سياحتلى ايچين حكومتلك تخصيصات و يرمه سنى؛ تطبيقى علم تربيه

لابوراتوارلرینک تأسیسنی والحاصل پروفیسورلرک په دوپسیقو لوژینک ترقیاتی تعقیب ایده بیلمه لری ایچون لازم کلن وسائطک احضارینی طلب ایتدی .

Mlle. Renauld (فرانسه) فرانسه ده تالیه معلملرینک هیچ بر تحصیل تربیوی کورمه دکلرینه نظر دتی جلب ایتدی. وکندیسنک تمیری موجبجه بو وحشی حالدن کنج لارک پک زیاده مضطرب اولدقلرینی قید ایله دی .

Mr. Cisek (جه قوسلو واقیا) کندیسندن اول سوز آلان خطیلرک نقاط نظرینی تأیید وشدتله مدافعه ایتدی .

Mr Fedel (فرانسه) سویله نهن سوزلره اشتراك ایتمه دیکنی و معلملرک مقدمه بر تحصیل تربیوی کورمه لرینک لزومه قانع اولمادیغنی بیان ایتدی و دیدی که : بوتون په داغوزی قواعدی بر قاچ دقیقه طرفنده اوکره نیله بیه جک بر قاچ رچته دن عبارتدر. و مساکد اشلرندن بر جو قلیرنک ده معلومات عمومی (culture générale) اکتسابندن باشقا بر شکلده معلملرک احضارینی قبول ایتمه دکلری فکرنده اولدیغنی سویله دی .

موسیو فره تی Mr . Feretti (ایتالیا) مذاکرات ائناسنده بر قاچ کره سوز آلارق شو نقطه نظری مدافعه ایتدی: مکتب تالی معلمی، معلوماتی کنج لره هپ نصی (دوغماتیک) بر طرزده یعنی حاضر اولارق ویرمکده در . حالبوکه علمک یالکیز نسی بر قیمتی واردر و علوم دائماً حال تکملده در .

هر معلم، علمک بو کونکی درجه تکملنه واصل اولق ایچین بشریتک بیک مشکلاته کچدیکی یوللری، کچیردیکی صفحه لری، اکثریا دوچار اولدیغنی ضلالتلری بیلمه لیدر. نتیجه اعتباریله مومی الیه معلملرک بو فلسفی و تاریخی تکامل طریقنک تدقیق صورتیه احضارینی طلب ایتدی. متدماتنه واسباب موجب سنه لایقیه و قوف پیدا ایدیه مهین بو نقطه نظر سامعین طرفندن حیرتله تلقی ایدیلدی .

Mr. Petit Dutailis (فرانسه معارف عمومی مفتشی) بو نقطه نظرک احتیاطیه قارشیلانماسنی و قبول اولونسه بیه تطبیقات عملیه سنده تصادف ایدیه جک مشکلاتک نظر اعتباره آلمانسی ایلری سوردی .



مذاکراتک بو صفحه سنده باشلیجه ایکی نقطه نظر به لیردی: اعضانک بر طاقی تالی معلملرک صورت مخصوصده دارالفنونلرده، دارالمساعیلرده، سه مینه رلرده ویا

تطبیقات لیسه‌لرنده تحصیل کورمه‌لرینه طرفدار اولویور . دیگر بر طاقی ایسه بونی استخفاف ایله معلم ویا معلمه‌نك بر کره قوتلی بر تحصیل عمومی کورمه‌سنه وئانیاً او قوداجنی شعبه دروس حقنده معلومات کافیه وواسه ایدینمش بولونماسنه اهمیت ویریورلردی . اوچنجی نقطه نظر اولوق اوزره موسیو فره‌تی‌نك افکاری اورتایه چیقیدی . مع‌ماfiه مذاکرات فرانسزلسانیله جریان ایتدیکندن وهب اولجه حاضرلانش نوطلر قرائت ایدیلدیکندن فره‌تی‌نك افکاری آنی آکلاشیلامادی .

بوندن سوکرا فرانسه‌نامنه موسیو برتولد ، قلاوییه‌ره ، قوب‌ولوکسنبورغ نامنه‌قاب ، لهستان نامنه باوروجینسکی سوز آلدیلر . بو ایکی نقطه نظری تألیفه اوغراشدیلر . نهایت فرانسز قولله ژ معلملری جمعیتی نامنه موسیو رابی (Raby) وکذا قولله ژ معلملرندن و « بولته‌ن اترناسیونال » مدیری موسیو Clavière ایله مشترکاً شو مآله بر تقریر وپردی : « بز ، مکاتب تالیه معلملرینك تحصیل تربیوی کورمه‌لرینك لزومسز لغته دائر لیسه معلملری آرقاداشلریمز طرفندن سرد ایدیلهن مطالعاته تماماً اشتراك ایتمه‌یورز . »

« فی‌الحقیقه په‌داغوژی معلوماتی ، آنی بز پروفیسورک حائز اولماسی لازم کلهن سلطه معنویه‌نی مطلقاً تأمین ایتمه‌ز ؛ فقط الک آنی تدریس اصوللرینی بولوق ایچین بویوک بر عشق وایمانله تدقیقات علمیه‌ده بولونان ذواتک مساعیسی وبونجه نسللردن بری معلملرک قازاندقلری تجاربک نتایجی ثمره‌سز عد ایتمک جوق افراطلی ومغرورانه بر حرکت اولور . »

« بز ، یالکیز ، په‌داغوژینك پک حاکم ومستولی بر وضعیت آلماسنی آرزو ایتمه‌یورز . فده‌راسیونمز ، دائماً ، معلملرک ، معین په‌داغوژی وپسیقولوژی پرنسپلرینی تحصیل ایتملرینه وبالحاصله تحصیل علمیلرینی تطبیقات وعمليات ایله اکمال ایتملرینه طرفدار اولمشدر . »

« بومسئله ، فرانسه‌ده چوقدن‌بری دارالفنون محافلنی علاقه‌دار ایتمکده‌در . ۱۹۰۰ سنه‌سنده تحصیل تالی حقنده یاپیلان بویوک آنکته ائاشاسنده بومسئله اورتایه حیقمش و

Compagnons de l'Université nouvelle طرفندن تدقیق ایدیلشدی . معارف مجلس عالیسنك (هیأت علمیه‌سنك) ایکنجی رئیسی ویوکسک دارالمعلمین مدیری موسیو ارنست لاویس شویله دییوردی : [بزده ، برکیمسه ، لیسانسیه ویا

آغره ژه اولونجه پروفیسور اولمقده در. حالبوکه، آئی درس ویرمکه قابلیتی اولمایان برکیمسه نکه ده لسانیه وحتی آغره ژه اولماسی محتملدر.]] بزه جوق شیر اوکره دیورلر؛ یالکز بوتون بو اوکرندکلریمزک باشقارینه ناصل تعلیم ایدیلجکئی اوکرته یورلر . . . جوجوقلری طانیادن اولنره ناصل خطاب ومعامله ایدیله سی لازم کلدیکنی اوکرنه دن، اولنرک دقتلرخی تثبیت وادامه ایتدیره جک قانونلری بیلمه دن هان بزی تدریس جریانی ایچنه آتیو یورلر .]

« بر جوق معلملر، داها باشلانغیجده یاکایش یوله صاپارلر والی الابد طریق ضالانده یورورلر . دیگر بر قسم ایلك طلبه لرینک ضررینه اولارق صنعتلرخی کوجلکله اوکره نیرلر وبو اعتبارله مکتبلریمزک کریمه سنه سبب اولورلر . »

« بو درده چاره ساز اولوق ایچین، هر برنامه زدی، تدریسی درعه ده ایده جکی درس لر . متعلق قوتلی بر تحصیل علمی کورمکه برابر دارالفنونک صوک سه مسترنده علمی درس لرله برلکده بعض نظریات تربویه درس لرینی کورمکه ده مجبور ایدیله لیدر. »

« تدریساتک جهت عملیه سنی ایسه ، دارالفنونی اکالدن صوکرا تجربه دیده بر معلمک نزدنده بر سنه دوام ایده جک اولان استاژ مدتنده اوکره تمه لیدر . استاژ اثناسنده مأذونلره معاش ویریله لی وآلدفلری معاش تقاعد مدتک حسابنده معتبر اولمالیدر . بو مدت اثناسنده معلم نامزدینک کندیسنی مسلکه احضاردن باشقه بر مشغولیتی وکندیسنده مسابقیه اشتراک ویا امتحانه دخول کبی اندیشه لر اولمالیدر. بو ذات اصیل معلمک (Professeur titulaire) ساده جه بر معاونی اولمالیدر. صنفده ویریلن درسی تعقیدن صوکرا ، معلمک نزدینه کلهرک طلبه نک ناصل چالیشدیغنه دائر معلومات ویریر . آراصیرا معلمی اوکا بعض درس لرک تدریسی حواله ایدر . وظیفه لرک ناصل تصحیح ایدیلجکئی وطلبه لره ناصل سؤاللر ایراد ایدیلجکئی اوکره دیر. معلمک معذرت ویا خاستالی خالنده معلم معاونی ، معیدلردن داها زیاده طلبه یه مفید اولو بیلیر .

نامزدک بو استاژ مدتی اکالندن صوکرا ، معلمک ومکتب مدیرینک وبر مفتش عمومینک مطالعه سی آلینه رق کندیسنه مستقلاً تدریس صلاحیتی ویریلیر . « قونفره اعضاسندن بر چوغی بو بیاناتی تصویب ایدر بر وضعیت آدلیر . چارشانبا کونکی جلسه ده ده دوام ایدن مناقشاته ختام ویریلهرک قونفره جه بروجه آتی تمی اظهار ایدلای :

« قونفره ، معلمك تحصيل تربیولی حقنده اظهار اولونان مختلف نقاط نظری دیکله دکن سوکرا بو مختلف فکرلری غیر قابل تألیف بولامشدر .
قونفره ، هر بر معلم کندی اختصاصه متعلق دهرین معلومات ایله برابر قوتلی معلومات عمومییه مالک اولماسی مطالعه سنده در . کذا قونفره ، هر ملنک ، روح ، عننه و احتیاجنه کوره و بر حد مطلوب دائره سنده معلمله بر تحصیل تربیوی ویریلسته طرفداردر . بو تحصیل تربیونیک معقول بر صورتده فلسفی و تاریخی اصوللره و تطبیقات درسیه ایله برلشدیریله سی معلمک تربیه و تدریس استعدادینی انکشاف ایتدیره بیله جکی قناعتده در .

بوندن ماعدا قونفره ، نامزدلرک صورت عمومییه احضارلری اثناسنده علی العموم معلومات بشریه نیک و تدریسی در عهده ایده جکلری شعبات علومک تکامل تاریخیلرینک نظر دفته آلماسنی و بالآخره معلم اولدقلری زمان چوجوقلرده بذاته تفکر و تشبث و شخصی قابلیتلی انکشاف ایتدیرمه لری لزومه قاندر . معلمک مسلکی حاضرقله مشغول اولدقلری زمانلرده کندیلرینه بر اجرت ویا معاش ویریله سی ده قونفره پک مناسب و طیبی بولمده در . »

مکتب و عائله

۳۰ اغستوس پرشبه

بلجیقانک غاند شهرنده کی اورتا مکتب معلملرندن R. Van Damme طرفندن مکتب و عائله مناسباتنه عائد بررپور قرائت اولوندی .
رپورک باش طرفلرنده مکتبله عائله آراسنده صیتی برار طباط تأسیسندن تربیه و تدریس خصوصنده حاصل اولاجق فائده لردن اوزون اوزادییه بحث اولوندی .
سوکرا مشخص وقایعک ذکرینه کچیلهرک بومقصدله بلجیقانک غاند شهرنده ۱۹۱۷ سنه سنده « اورتا تدریسات مجلری اتفاقی » .
Ligue des Amis de l'enseignement Moyen Officiel تأسیس ایدیلدیکی بیان اولوندی .

ابتدای تأسیسده جمعیتک اوج یوز اعضاسی وارمش آلتی سنه سوکرا ، شا کردلرک ابویندن ، اسکی طلبه دن و مکاتب تالیه ایله علاقه داردو اتدن اتفاقه دو قوز یوز کشی قد اولونمش .

اتفاقك مقاصدى شونلرمش :

غاند شهرنده بولونان رسمى اورتا مکتبلرک تکاملنه خدمت ایتک ، تحت حمایه ده بولونان مکتبلره پارا ، تدریس و تربیه خصوصلرنده معاونت ایتک ، ایش بولق خصوصنده مآذونلره یاردیم ایتک تعلیم و تربیه خدمت مقصیده ویا اتفاقه بر منفعت تأمینى ضمنتده اکلنجهلر ، قونفرانسلر ، خصوصى قورصلر ، مکتب تزهلری ، بیانقو وسائرہ ترتیب ایتک .

اتفاق ، اورتا مکتبلره مداوم طلبه ایچون لیلی برداثره (بانسیون) کشادینه وشا کردانک کتبخانهلردن استفاده سنی تأمینه موفق اولمش .

اتفاق ، استقباله عاڈ پروژهلرنده برده « جوجوقلق سارانی » Palais d'enfance وجوده که تیرمک املنی بسله یورمش . بوسارای کتبخانهلری ، قونفرانس سالونلری ، سینما ، قرائت و مطالعه قسملرنی محتوی والحاصل محلی مکتبلیلره بریورد وغانده سیاحتہ کلن طلبیه برمسافر خانه اولاجقمش .

صوکر ا بوتشکیلاتی بوتون فلاندره وبلجیقاه ویاواش یاواش قومشو ودوست دولترلره تشمیل ایدوب بین الملل برماهیت اکتساب ایتسه نه غیرت ایدم جکلرمش .

راپورک نتیجه سنده شوقیمتلی فکرلر سرد اولونویور :

عائله ایله مکتبک مشترکا چالیشماسی تأمین بویوک بر ضرورتدر . بوده هر ایکی تربیه عاملی آراسنده دائمی تماسی تأمین ایدمک قدرتلی برتأسیسات وجوده که تیریله سنه وابسته در . اورتا مکتبک ، طلبه سی اوزرینه یا بمقدده اولدینی تأثیرلری عائله محیطنده دوام ایندیرمک ، مکاتب تالییه قارشى اظهار اولونان توجهلری ادامه ایندیرمک ایچون یکانه چاره در . بوتشکیلات ، مکتبلر آراسنده اخوت وئساند مناسباتی تأسیسی وادامیه خدمت ایدم جکدر .

..

راپورک قرائتندن صوکر ا موسیوقلاویهر : بورو انترناسیونال نامنه بوتشکیلاتی وجوده که تیردن ذواتی تبریک ایتدی و بوتون مکاتب تالییه مآذونلری جمعیتلرینک les associations a'Anciens Elèves غانده تشکل ایدن اورتا مکتبلر محبلری برلکنک ایفا ایندکلی خدمت کیی بر رول اوینامالری تمینسندم بولونیدی .

ولجہ بومستھ حقندہ بوروانترناسیونال بر آنکٹ ترتیب ایتمش . فقط مع التاسف
بو آنکٹہ پک آز مملکتلردن جواب کلمش .

بو میانده پراغده برره آل مکتبی مدیری بولونان موسیو Pithardt ک بولتهن
انترناسیونالده نشر اولونان راپوری اوقوندی . خلاصه سی شوندن عبارتدر :

حرب عمومیدن اول مکتبلیتره بوروقرات ذهنیتی گیرمشدی . ابون چون ققلمی
یا سر بست بر مسلک صاحبی باقمق و یا خود حکومت مأوری اولق اوزره یتیشدیرمک
ایسته بورلردی . حتی استعداد و ذکاسی آز اولان چوققلمی ده تالی مکتبلره
کونده ریورلردی . بونلر موفق اولاماینجه مکتبله عائله آراسنده سوء تفهم آرتیور
و هر ایکی تربیه عاملنک آراسی آجیلوردی . بوکا بر چاره بولق ایچون ۱۹۰۱
سنه سنده معارف نظارتی . ابون انجمنلرینک Conseils des parents تشکیلی توصیه
ایندی . ۱۹۰۸ سنه سنده معارف ناظری Marchet معارف و مکتبلر حقندہ واسع
بر آنکٹ آچدی .

مکتبلرک تشکیلاتنک و پروغراملرینک ناصل اولماسنه دائر اولان سؤالره ابون
مرحصلرندن ده جوابلر ایسته نیلیدی . وارد اولان جوابلرده عمومیتله پروغراملرک
و امتحانلرک مشکلاتندن شکایت اولونویوردی .

بونک اوزرینه پروغراملر و امتحانلر تخفیف ایدیلیدی . ۸-۱۹۰۷ سنه سنده صنفدن
دونه نلر یوزده ۱۵-۱۲ راده سنده ایکن ۹-۱۹۰۸ سنه سنده یوزده ۷-۵ یه
ایندی .

حرب عمومی ائاسنده چوققلمک ابون ویا ولیری اکثریتله عسکره کتدیکندن
و آنلریده معیشت دردیه مضطرب اولدیغندن و اساسا مکتبلرده تدریسات انکلره
تصادف ایتدیکندن عائله و مکتب روابطنک تأسیسی ممکن اولامادی . ۱۹۱۸
اختلالی نتیجه سنده چه جمهوریتنک تأسیسی اوزرینه مکتبلر ده موقراتیک برشکل
آلدی . فقط حالا مکتب ایله عائله نک تربیه خصوصنده فعالیت مشترکسی تأمین
ایدیله ممشدر .

لورتا مکتبلرده بر elite یه یتیشدیرمک ایچون شبهه سز کنجلیکی طامیق لازمدر .
مکتب و عائله بو مشترک غایه یی تعقیب ایتمه لیدر . مع التأسف بو اولامیور . سبیلری
مختلفدر : خودینلک ، ساخته غرور ، ابونک لاقیدسی و یا خود چوققلمینک
احوالی پروفورلره بیلدیرمک خصوصنده والدلرک محجوبیتیدر .

مکتب ایله عائله نك مساعی مشترک سنی تأمین ایچون ایلک تشبئی مکتب یاپمالیر .
ابوین دخی جو جوقلرینک ذکاسی ، اخلاقی ، خویرلی وسارهنی حقنده صمیمی
معلوماتی معلملره ویرمه لیدر .

راپورک قرائتندن صوکر موسیو هولچهك Holeczek (چه قوسلوا قیا) سوز
آلدی و دیدی که :

اگر آلدانمورسهم کچه لوکسمبورغ قونفره سنده بو مسئله موضوع بحث اونش
و پراغ قونفره سنک بو مسئله ایله ده زیاذه مشغول اولماسنه قرار ویریلشدی .
مکتب ایله عائله آراسنده صمیمی مناسبت تأسیسی ایچون اولا مکتب تشبئده
بولونمالیر دیوروز . فقط ابوینک مکتبه کله سنه انتظاردن اولونلرک زردینه کیتمه لیدر
مملکتیمزک بعضی لرلنده بوقیل تشبئلر یاپیلدی . مثلاً Pribvam ده معلملردن و یوزلرجه
ابویندن مرکب اجتماعلر عقد ایدیلدی . بو اجتماعلره ابوین سوو سوو کلدیلر . بوده
کوسته ریورکه بوقیل مساعی ایچین زمین حاضر در . توحوملری صاچق زمانی
کیشدر . دیگر بر جوق مملکتلرده بویله در ظن ایدیورم . بوباده باشقالمملکتلرده
یاپیلان تجربه لرده استفاده ایتک ایسته یوروز .

ژیوانوویچ (یوغوسلاویا) - لوکسمبورغ قونفره سنده بومسئله حقنده ایضا خات
ویرمشدم . بوکا علاوه شونی سویله ییم که ، صرب ، حروات و سلوون قراللئک
برجوق قصه لرنده تشکیلات وجوده که تیریلدیکی کچی بالخاصه بلغرادده ره آل مکتبی
ایله ایکنجی و اوچنجی لیسهلردن مرکب مرکزی بر تشکیلات وجوده که تیریلشدر .
مکتبلرک یوکسه ک صنفلر طلبه سندن و بونلرک ابویندن مرکب اولق اوزره جمعیتک
ایکی بیک قادار اعضاسی واردر . طونا ساحلنده طلبه یه وابوینه مخصوص بانولر
تأسیس وبعضی کتابلر ایله اسپور آلاتی تدارک ایدیلشدر .

کله جک سنه تشکیلات مدیریتی ، عائله و مکتبده تطبیق ایدیلن تربیه اصوللرینک
توحیدینی تأمین مقصدیله برصیرا قونفرانس لر ویردیرمکی دوشونمکده در .



فیشر (چه قوسلوا قیا) - مکتب و عائله موضوعی مناقشه ایدهرکن ،
بو خصوصده یاپیلان تجاربی عرض ایتمه مساعده کزی طلب ایدهرم . بز بوراده
ستودنتسکی چاسوپس (Studentsky Casupis) عنوانیله بر طلبه مجموعه سی نشر

ایدیورز . یونک مائلی یوغوسلاویا وایتالیاده نشر اولونان مجموعه لرده کوردم .
بوجومه « اورتا مکتب مجلری » طرفندن نشر ایدیلکده در . بوجمیته معلمر ،
مکاتب عالیه طلبه سی و معارفه علاقه دار ساثر ذوات داخلدر . مجموعه نك غایه سی
طلبه مساعیسی ایله معلمر مساعیسی آراسنده برتشارك (Collaboration) حُصوله
کثیرمکدر . اون بیک قادارطبی اولان مجموعه ، معلم ایله طلبه نك ، عائله ایله مکتبک
آ کلاشمانسه کوزمل برواسطه تشکیل ایتمکده در . معلمر یازدقلمی مقاله لرله
طلبه نك بروحه نفوذ ایتک وطلبه ایراد ایتدکلمی سؤال لرله معلمر ایله تحریر آتماسه
کلک امکائی بولمقده درلر .

مکتبک مستقبیل اصلاحاتی حقنده در مجموعه قیمتدار فکرلر نشر ایتمکده در .
چونکه مکتبک استقباله آلماسی لازم کلن شکلی دوشونورکن بومکتبلرده تحصیل
ایتمش ویا ایتمکده بولونان کیمسه لک مطالعه سی آلتق موافق اولور . معارف
مسئله لرنده یالکیز قدم وسن موضوع بحث اولماز . مجموعه ، مکتب پروگراملرینک
نقصان بر اقدینی معلوماتی اتمام ، طلبه یه حیات عملیه ومسلك انتخابنده رهبرک ایدر .
مجموعه مزک صحیفه لری ، هرتورلو ، صنعت ، ادبیات ، سیاست ، تیاترو وسائر
تلقیلرینه قوتلی اسباب موجبیه مستند فکرلر آجیق ، فقط ده مانغوژیک تجربیکاته
قابیلدر . مقاله لک اوژه کتیف اولماسنه اعتنا ایدیلکده در .

(مجموعه نك پروپاگاندا سی حقنده داها بر چوق سوزلر سویله ندکن صوکر
چه قوسلو و اقیالی چیژه ک ، اسوه جلی له نه ، فرانسه لی فهدل سوز سویله دیلر .

اسوه چ مرخصی موسیو له نه Lene طلبه ابوینسک معلمک ، عزلی
تحویل و بجایشنه مؤثر اولوب اولامایاجفته دائر محق بر سؤال صوردی . وقت دار
ومسئله نازک اولدیغندن بو خصوص مناقشه ایدیه له مدن قالدی . نهایت یینه له نه
طرفندن یازیلان قرار صورتی آز تعدیلاتله قبول اولوندی .

« قونفره ، تربیه خصوصنده مکتب وعائله نك مشترک مساعیسه فوق العاده
طرفداردر . فقط عینی زمانده طائله لک مکتبک تشکیلاتنه و تدریساتنه و معلملرک
تعین ، تبدیل و ترقیلرینه مؤثر اولماماسی موافق بولمقده در . »

اورتا مکتبلرده تربیه اخلاقیه

۲۹ اگستوس . چارشانبا .

پراغده ره آل مکتبی معلملردن پرونسور قلیا Klima نك تربیه اخلاقیه
دائر راپوری قرائت اولوندی . خلاصه مالی بوجه آتیدر :

« مکتبلرده بوتون فعالیتی اخلاقی غایله ره توجیه ایتمه لیدر . اگر مکتب تالی
بر تربیه اخلاقیه بحرانی یکرییورسه، بونک سبی، علم اخلاق قیمتک لایقوله آکلاشیلا.
مماسی ومکتبک وظیفه حسنی تمیه وتقویه ایده جک مؤثر اصوللری وواسطه لری
استعمال ایتمه مه سیدر .

حرب عمومی ، یالکیز اقتصادی قیمتلری ده کیل ، اخلاقی قیمتلری ده ضیاعه
اوغرا تدی . بوتون اجتماعی صنفلر ، آج کوزلرینی سیاسی ، مالی ، تجاری غایله ره
ومادی منفعتلرک استحصالنه دیکمشلردر . جمعیتک بوتون اشتغالاتی بونلرک حصوله
چالیشمقدن عبارتدر . فقط انسان یالکیز اکمکه یاشاماز . روحکده احتیاجلری
واردر . بشریتک بومعنوی احتیاجاتی ناصل تطمین ایتمک ممکندر ؟

بومشله نك حلی ایچون مختلف تکلیفلر سرد اولونویور : جنوره ده اجتماع ایده ن
(تربیه اخلاقیه قونفره سنده) ده نیلدی که : « مادام که ، انسان سیاسی بر موجوددر ،
خود بینانه تمایللرینی آزمکه واجتماعی حسلرینی تمیه ایتمکه غیرت ایتمه لیدر . سعادت
شخصیه بی ، عمومک منافع منترک سنه فدا ایتمک مفکوره سنی چه ملتی بویوک
قومه نسکی دورنده اوکره ندی . اجداد یزدن بزه انتقال ایده ن بوفضائل انسانیه بی
مکتبلرده طلبه مزه سهو دیرمه لی یز . حریت فکریه وحب انسانیت اوغرندنه شخصی
فداکارلغه آلیشه بیلیمک ایچون سوق طبعیلره واحتراصلره حاکم اولماتک لازم
اولدیفنی کنجلره اوکرتمه لی یز .

لایسیغ دارالفنونی مدرسلردن پاول بارت بوفکری شو دستورده خلاصه
ایدیور : « مربی نك وظیفه سی ، طلبه ده کندی نفسنه قارش قوتلی براراده وجمیته
قارش خیرخواهانه براراده حصوله کتیرمکه اوغراشمقدر . »

تربیه اخلاقیه بوتون درسره نفوذ ایتمکه برابر ، آیریجه براخلاق درسنگ

[*] اوست طرفی یکرمی بشنی صابیده در .

ویرینه‌سنده لزوم واردر . شبهه‌سز ، معلم طلبه‌سنه الك مؤثر اخلاق درسنی اطوار وحرکاتی واستقامتی سایه‌سنده‌ویریر . بونکه برابر اسباب آتیه‌دن ناشی مکتبلردم سیسته‌ماتیک اخلاق درس‌لرینه‌ده لزوم واردر :

۱ - تدریسات تالیه پروگراملری اختصاص معلوماتیه اوقادار یوکلودرکه ، معلمک اخلاقی قیمترلر حقنده طلبه‌سیله قونوشمغه وقتی اولماز .

۲ - تحصیل‌سایه‌سنده طلبه وظائف اخلاقیه‌یه متعلق مفهوملری داها واضح آکلایبیه‌جکندن روحنده فیاص برتاثر حصوله کلیر . ذکالک وقلبک شعاعاتی ، حریت فکریه‌ینی تقویه ایتدیکی کچی حریت اخلاقیه ایچوند براسنئادگاه تشکییر ایدمر .

فقط محضا افکار سایه‌سنده ائی بروجدان ، قوتلی براراده یاراتمغه چالیشمانک قوم اوستنه بنا انشا ایتمکه بکزه‌دیکنی اونوتمايلم . افکار اخلاقیه‌نک حیاته تطبیق ایدیلرکه مشخص برشکل آلابیلمه‌سی و اوصانج ویریحی اخلاق کومه‌زه‌لکندن عبارت قالماماسی ایچون تربیه اخلاقیه‌ینی « تربیه مدنیه » education civique ایله قوتلندیرمک وجانلاندرمق لازمدر .

ایلك تربیه اخلاقیه عائلده ویریلیر . عائله طرفیدن اکیلن فضائل اجتماعیه توحوملری مکتبده یه‌تیشدیریلیر . حیات عمومیه la vie publique نك اشکالی ومشه‌ریلرک تساندی la solidarit  civique پرنسیدلری مکتبلرده تطبیق ایدیلن مختاریت اداره autonomie scolaire طرزنده پک اعلا تقلید اولونه‌بیلیر . اگر چوجوقلر ، یوکسه‌ک برغایه‌نک حصولی ایچون کندی اختیارلریله عمومک اراده‌سنه اطاعت ایتمکه نفس‌لرینی آلیشدیریرلرسه ، استقبالده ائی وطنداش اولورلر . اسکی زماندن بری اجدادیمیزی پک‌زیاذه علاقه‌دارایتمش اولان دین مسئله‌سنی‌ده اخلاقدن آیرامایز . اخلاقی ، مه‌تافیزیک ومجرد فکترلره بوغمق ایسته‌مه‌دیگمز کچی دینی بحرانک ، اخلاقی بحران تولید ایتدیکی مراهقلق دورنده داخلی وخارجی رقیت وانقباددن آزاده بروجدانده حصوله کتیرمک ایسته‌بورز . حق وخیری تمیزه مقتدر قوتلی سجهلر حصوله کتیرمکه چالیشیورز . والحاصل :

۱ - بوتون صنفلرده اوقوتولاجق اخلاق درس‌لری سایه‌سنده طلبه ، فضائل اخلاقیه‌نک فردک حیات باطنیه‌سنه وبشریتک خیرینه خدمت خصوصنده کی اهمیتنی آکلمالیدر .

۲ — اور تامکتبلرده اوقوتولان بوتون درس لر طلبه ده حسیات انسانیه اویانماسنه یار دیم ایتمه لیدر .

..

بوندن صوکر ا فرانسه نك لیل لیه سی معلم لرندن موسیو فاوییه ر M. Favière اوزون بر راپور قرائت ایتدی .
خلاصه مالی بروجیه آتیدر :

مکتب تالینك مشروع واصل بر طلب ودعواسی واردركه ، اوده هرشیدن اول ناموسكار انسان یتیشدیرمكذر . اویله ناموسكار انسان كه ، او ، مختلف شعبات علومده كسب اختصاص ایتش ، فقط معلومات مکتسبه سی موجودیت روحیه سنه نفوذ و تأثیردن خالی قالش بر علامه اولماسین . كذا او ناموسكار انسان ، هرشیدن كمال ظرافت و لطافتله بحث ایتمه سنی بیلهن فقط سویه دكترینی عمیقاً تفكر و اجرادن محروم اولان بر زوپه اولماسین !

حیات اخلاقیه نك وصف اساسیسی ؛ دینی وسائر تأثیرلردن آزاده بولونماسی مستقل وطوعی اولماسیدر . مستقل اخلاق پرنسپینك غلبه سی ایچون فرانسه ده ۱۸۵۰ سنه سندن ۱۸۸۰ سنه سنه قدرچوق مجادله لر اولدی . بوکون دعوا قازانیلمش کینیدر . (موسیو فاوییه ر ؛ مونتین ، رابله ، باسقال ، ماله برانش ، و قانتك اخلاق حقنده کی تلقیرینی خلاصه ایتدکدن صوکر ا دوام ایتدی) : اکر اقوام ابتدائی ، مدنیتمزك الك ابتدائی شکلیرینی مطالعه ایدمك اولورساق ، اوامر اخلاقیه نك اولاد دینی برماهیده اولدیغنی ، فقط بشریتك تدریجی تکاملی ایله بر عکس العمل حصوله کهرك افکار اخلاقیه محضه نك ، اخلاقی اعتقادلرک ، دینی عبادتله غلبه ایتدیکنی حتی بعض خصوصلرده ته اولوژییه مخالف جریانلر آلدیغنی کوروروز .

فصل اخلاقی ، عقلك متبادی مراقبه سی آلتنده بولونمالیدر . بر فعلك اخلاقی اولوب اولمادیغنی آکلامق ایچون بر فکره توافق ایدوب ایتمه دیکنه باقالیدر . بوده بزم یاشایان و ایشله یهن بنلکمز ، حال فعلده بولونان فکرلریمزدر . وظیفه مز ، کله نك معتاد معناسیله « اخلاق اوقوتمق » ده کیدر . شوپنهاؤثر دییورک : « عالمه اخلاق درسی ویرمك ، خوشه کیده ن برشیدر . فقط اونی تأسیس ایتك ، ایشته بو کوچدر . » اخلاقی بر حیات یاشامق ایسه اوندن داها کوچدر . قوروسوز لرله تعلیمه اوغراشیلان اخلاق قاعده لرینك بوشلغنی آکلامغه آلیشمالی یز . اخلاقی قاعده لر اوکر نیلش اولسنه بیله ،

اونلری هر مشخص وقعه یه تطبیق ممکن اولماز . اخلاق صاحبی اولان برکیمسه کندی دروندن کله قوتک سوقیله افعالی تنظیم ایدر . (بوندن صوکره موسیو فاییه فکر ، حس و اراده آراسنده کی مناسباتدن بونلرک افعال اخلاقیه نك تنظیمی خصوصنده کی اهمیتلرندن بحث ایتدی .)

اختیار مادموازل روصووا (اوقراین) سیستماتیک اخلاق درسك تعلیمندن اجتناب ایدیله سنی و چوجوقلرده محبت حسلرینك ، محیط اجتماعی یه قارشى علاقه وهیجان اویندیریلما سنك کافی اولدیغنی سویله دی . اخلاقك سوزله آکلادیلایمیه جغنی و بونك بر حس مسئله سی اولدیغنی و کنگلره آنجا ق شعر ، ادبیات ، صنایع نفیسه و حسن مثال سایه سنده اییلک و کوزهلک تربیه سی وریله بیله جکنی ادما ایتدی . روژیحقا (چه قوسلووا قیا) فرانسه زجه بر راپور قرائت ایتدی . خلاصه مالى شودر :

و اخلاق نظری ایله اخلاق عملی یی بربرندن آیرمالیدر . مختلف اخلاق نظریه لرینك تنقید و ایضاحی ، بشریتك حیاتی اوزرینه بونلرک اجرا ایتدکاری تأثیرلرک تدقیق باشقا ؛ انسانك اطوار و حرکاتی تنظیمه یارایاجق اخلاق قاعده لرینك اوکره نیلمه سی ینه باشقادر .

مقایسه لی علم اخلاق l'ethique comparée دخی ده نیله ن علم آداب و عادات la science des mœurs اورتا مکتبلرک یوکه ك صنفلرنده مجبوری درس حالنده موجود اولمالی و یاخود فلسفه و تاریخ فلسفه درسلی آراسنه صیقیشدیر یمالیدر . فقط اخلاق عملی (la morale normative) بوله ده کیلدر . اخلاق عملی ، مقدرات بشریه یه ، بشری حیاتك غایه سنه یاقیندن تعلق ایتمکه برابر ، بر دولتك بوتون افرادینه شامل بر اخلاق سیستمی وضع ایتمکه امکان یوقدر .

تاریخه باقاجق اولورسه ق کورورزک ، فلسفه ده نه قدار مه تافیزیک سیستملی ظهور ایتمشبه همان اوقادارده اخلاق مسلکلی میدان یکلشدر . انسانك مقدراتی نظر اعتباره آلمان بر اخلاق سیستمی وضع ایتمک ایستینلری - تولستویک قیاسنه نظراً - کوکمز چیچککری دیکمکه چالیشان چوجوقلرک ایشنه بکزه ته بیلیرز .

اگر حیات بشر حقدنه هر کسك تلقیبی بربرینك عینی اولسه ددی ، مجبوری بر اخلاق عملی کندیلککندن تأسس ایده ردی . بو وحدت نه قدار شایان آرزو اولورسه اولسون ، یاشادیغمز شو زمانده کسب حقیقت ایتمه مشدر .

اخلاق حقنده کی قناعتلرک تخالفی غیر قابل مناقشه در . بعضی لری نك اخلاق قناعتلری ایحیتمه دن ابوین وشا کردانی معین بر اخلاق نظریه سنك قبوله اجبار ایتك ، بوتون ده مو قراتیک دولترک قبوا ، ایتدکری حریت وجدان اساسه مخالفدر .

والحاصل :

۱ — مکتبلرده شا کردلره معین بر اخلاق سیسته منی أمپوزه ایتکه حریت وجدان منعدر .

۲ — حسیات اخلاقیه نی جبراً ده کیل ، شعر ، صنایع نفیسه ، تاریخ و ادبیات درس لرندن استفاده ایدره ک تلقینی واسطه لرله او یاندیرمغه غیرت ایتهلیدر .

۳ — لیسه لرده یاپیلان فلسفی تدریسات یالکیز پسقو لوژی و فلسفه یه منحصر قالمالی . فلسفه درس لری اثناسنده مختلف مورال سیسته ملری ده بی طرف بر نظره تدقیق ایدیلهلیدر .

تونس لیسه سی معلمه لرندن Mlle Renauld — مکتبک غایه سی قوتلی اراده صاحبی شخصیتلریه تیشدیرمکدر . سجه نك پک بویوک اهمیت ی واردر . اخلاقی فضیلتلری آرامق ، محاکمه ایتک وتصنیف ایتک لازمدر . طلبه نی ، شخصی تشبثلریه حق وخیری آرایوب بولمغه آلیشدیرمالیدر . اخلاق درس ی ، دو غماتیک وقته شیزم شکنده اولمامالی ، هر هانکی بر دینک عکس لریله قاریشیق بولونما مالیدر . اخلاق درس ی بر مه تافیزیک ویا خیر وشر حقنده تزید معلومه خادم بر درس اولمامالی ، جوجوغک روحنه نفوذ ایتهلیدر . بن کندی تجربه لریمه و طلبه مک اعترافلرینه استناد آسویله یورم که فرانسیز پروغراملرنده مندرج اولان اخلاق ساعتلری هافاتنک اک کوزمل درس ساعتی اولارق کچمکده در .

موسیو وایتس Veitz (چه قوسلو واقیا) — معلمک طلبه سی اوزرنده بر نفوذ اخلاقی ومعنوی تاسیس ایتمه سی غایت مهمدر . بونفوذ اخلاقی سایه سنده اخلاقی فضیلتلرک نما بولابیله جکی بر هوا یاراتیلایلیر . معلمک نفوذ معنویسنه حد ذاتنده تربیوی بر قیمتی حارژ اولان تربیه فکریه ده انضمام ایدره . اخلاق تربیه سی ایچون پروغرامده ساعت تخصیصنه لزوم یوقدر . جوجوغک روحنده کی دهرین حسیات اخلاقیه منبع لری فورانه کتیره جک فرصتلر تدریس اثناسنده کترله وبعضاً غیر منتظر اولارق ظهور ایدره .

موسیو قوب Cope فرانسه‌ده کی احوال دن بختله شو یولده ایضاحات ویردی :
بزده دول مکتبک دوشانلری بومکتبه (اللهسز مکتب école sans Dieu) دیورلر .
فقط بومکتب زورله اللهک علیهنده ده بولونماز . ومعلمک طلبه‌سنه اخلاق قانونلرینک
بویوککنی طایئاسنه هیچ بر مانع یوقدر . بو ، بوتون دنیانک قبول ایتمه‌سی لازم
کلن ایده آل برشکلدر . دین مکتبک آشیکنده توقف ایدر . فقط بوندن دولای
مکتب اخلاق اهماال ایتمهز .

بویولده برمدت‌دها مناقشات جریان ایتدکن صوکرابش آلتی کیشیک بر قومیسون
طرفدن قلمه آلتان « ارزو ، قونفرمه‌جه تصویب ایدیلدی :
« ۱ — اخلاق تدریساتنک تشکیلاتنده حریت فکر وحریت وجدانه رعایت
ایدیله‌جکدر .

۲ — اخلاق درسنه ویریلجک شکل هر نه اولورسه اولسون ، قونفره‌تالی
تدریساتنک حدذاتنده اخلاق و تربیوی برقیمتی اولدیفنه قانعدر .


۳ — تدریس اخلاق، خیری آرایوب بولق خصوصنده چوجوقده تأمل‌ذاتی
وتنقید قابلیتیرنی انکشاف ایتدیرمه‌لیدر .

۴ — یوکسک صنفلرک پروغراملرنده بر فلسفه درسی اوقوتولمالی و بو درس
روحیات ومنطقدن عبارت اولمایوب مه‌تافیزیک نظریه‌لرک واقکار اخلاقیه‌نک بی طرفانه
تنقیدی تاریخی احتوا ایتمه‌لیدر .

۵ — بو درس بر فلسفه معلمی طرفندن تدریس ایدیله‌لیدر .



بوغوسلاویلی میترویچ ، مکتبلرک آلقولیزم ایله مجادله‌یه اشتراکنی تکلیف
ایتدی ، بو آرزو بلا مناقشه تصویب ایدیلدی .



قیزلرک تحصیلی

مادمازله روصووا (اوقراینا) — چه قوسلووا کیده کی اورتا قیز مکتبلری
حقنده بروجه آتی معلومات ویردی :

۱ — آتی سنه‌لک ایلك قیز اورتا مکتبلری ۱۸۶۰ سنه‌نده تأسیس ایدیلش
بالآخره آتی سنه‌لک قیز لیسه‌لری آچیلمشدر . هرایکیسنک ده تحصیلی اورتا
ارکک مکتبلرک تحصیلدن دوندر .

۲ -- آوستریا حکومتی طرفندن اداره اولونان اورتا قیز مکتبلرینک یانی باشنده
چهلر ملی غیرت وخصوصی اغانه ایله پروغرامی ارکک مکتبلرینه مشابه بر اورتا
قیز مکتبی آچدیله . جمهوریت دورنده بونلرک عددی تکثیر ایدیلدی .

۳ — ۱۹۱۸ سنه سندن بری مختلط تربیه اصولی تطبیق ایدیش وارکک
مکتبلرینه قیزلرده قبول اولونمغه باشلامشدر . ۲۳ — ۱۹۲۲ سنه درسیه سنده ذکور
مکتبلرینه دوام ایدن قیزلرک مقداری ۱۶,۰۰۰ و قیز مکتبلرینه دوام ایده نلرک
مقداری ۱۰,۰۰۰ ایدی . طوتولان ایستاتستیکلرک ویردیکی موقت نتیجه کوره
اورتا تحصیلنی بئیره ن قیزلرک اوچده ایکینسی تأهل ایتمکده در .

تحصیل کورمش برقادین ملتک حرثی ایچون قیمتی بر خزیندر . اونک رولی
سویه عومیه نی وبالخاصه عائله نک سویه اخلاقیه سنی یوکسلیتمکدر . فقط قادین
فعالیتی بوندن ماعدا بلدی ووطنی ایشلرده تشمیل ایده جک ، ملتر آراسنده
مناسبانک تنظیمه خدمت ایده جک یکی اخلاقک تأسیسنه مشترکاً چالیشه جق ،
بوتون ملتک عرفان ایله مجهز قادینلرینک مشترک چالیشه سندن صلح عمومی دوغاجقدر .
چه قوسلولو اقایا جمهوریتنک قیز وارکک تالی مکتبلرنده ۲۶۶ معلمه واردر .
وظیفه ، معاش ، وسائر خصوصاتده تماماً ارکک معلملره مساوی حقوقه مالکدرلر .
وبالنظریه بونک بویه اولماسی ایجاب ایدر . بر مکتبک اداره سی استثناء برقادینه
تودیع ایدلمکده در . وکالت تشکیلاتنده اناث تحصیلنی تمثیل ایدن برقادین بیله بو قدر .
Mlle Gagnot (فرانسه) — چه قوسلولو اقایاده کی کی مساوات طلبنده بولوندی .
قیز وارکک اورتا مکتبلرینک پروغراملرینک توحیدنی، معلم و معلملر آراسنده
ساعات دروس و معاش اعتباریله فرق یاپیلما ماسنی طلب ایتدی .

Miss Forrest (انکلتره) — مادمازله غانیونک افکارینه اشتراک ایتدی .

..

Mlle Valborg Otter والبورغ اوتهر (نوروچ) بروجه آتی تبلیغاتده بولوندی:
یکرمی سنه دن بری بزده قادین هر دورلو حقوقه مالک اولدینی کی استعداد
وقابلیتی اولان قادینلره بوتون مأموریتلر آچقدر . اوتوز سنه دن بری اورتا
ویوکسک مکتبلریمزده مختلط تربیه اصولی تطبیق ایدیلکده اولدیفندن بوخصوصده
بعض تجربه لره مالک اولدیفمزه قانمز .

هرنه قادار بويوك شهرلر يمزده ارلك و قيز چوجوقلرى ايچين آيرى آيرى مکتبلر موجود ايسهده بونلرک تشکيلاتى بربرينک عينيدر. بونلرک آراسنده بعض خصوصى مکتبلرده واردر. فقط بونلر اقتصادى اسبابدن دولاي کيتدکجه آزالمقدهدر.

تالى مکتبلر يمز، اوچى برنجى دوره و اوچى ايکنجى دوره اولقى اوزره آلى صنفيدر. بونلره يدى سنه لك ابتدائى (۱۴ ياشنى) اكمال ايدهن طلبه قبول اولونور. بعض شهرلرده درت صنفلى اعداديلر واردر. بونلره ابتدائى مکتبنک بشنجى صنفى اكمال ايدهنلر کيرمر. بونلر کيتدکجه آزالمقدهدر. دهموقراسى پرنسپى بوتون وطن اولادينک يدى سنه دن عبارت اولان ايلک تحصيلى کورمه سنى ايجاب ايتدبرمکدهدر.

مختلط تحصيل اصولنک تطبيقنده برچوق معلملر اى تجربه لر ايديشلردر. قيز وارککلرک قابليتلى بر آرز متخالف اولقله برابر مختلط مکتبلرده قيزلرک ذکا اعتباريله ارککلردن اصلا لرى قالمادقلى بالتجربه ثابت اولمشدر. قوه دو قاسيونک اكبويوك فائده سى بلکه قيز وارکک چوجوقلرى آرقاداش کيى ياشامغه آليشدير ماسيدر. قيزلره اوغلانلرک مناسباتى عموميتله ايدير. شکايتلره نادراً تصادف اولونور. تنفسلر اثناسنده اوغلانلر بربرلره اوينا يورلر، قيزلر ايسه کنديلرينه مخصوص ايشلره مشغول اولويورلر. اور تامکتبنک برنجى دورم سنک صوك صنفنده طلبه و طالبات جمعيتر تشکيل ايتدکلرندن داها دوستانه کوروشمکه باشلارلر فقط بوصيميت نادراً flirt شکلنه کيرمر. هپ برلکده او قویان قيزلر، استغنا و غرابت استعدادلرينى اونوتورلر؛ ارککلر ايسه خوشونلرينى تعديل ايدهرلر. بن شخصاً اوغلانلرک طبعينده مندمج اولان حمله (elan) و تشبشکارلى استعدادينى و قيزلرک لطافت ادا و حقيقى غيرتلىنى چوق تقدير ايدهرم.

تدريسات خصوصندهده هرايکى جنسک بربرندن استفاده ايتديکى کورولمشدر. تحرير وظيفه لرنده ارککلرک اسلوبى داها جدى و قطعى (energique) در. قيزلرک اسلوبى ايسه داها ظريف افاده لرله متهيزدر. محضا يوفرقى کوسترمک و متقابلاً استفادهلر تأمين ايتمک ايچون برصنفده بولونان ارکک و قيز چوجوقلرينه ايرى آيرى تحرير موضوعلرى ويريبلر. هرکس موضوعنى کندی استعدادينه کوره قلمه آلير. بالاخره وظيفه لرک صنفده مناقشه سى اثناسنده قيز وارکک چوجوقلرک وظيفه لرينک شايان دقت جهتلرى ارايه اولونور.

بوسنده کی کنج لره ویریهن ریاضیه درس لرنده ارککلرک قیزلره تفوق ایتدیکی ظن اولونما مقده در . فقط تاریخ درس لری اثناسنده قیزلری وارککلری بربرندن آیرمق بلکه داها موافق اولور . چونکه قیزلرک اکثریسی سیاستله، محاربات تفصیلاتیه علاقه دار کورونم یورلر . کنج قیزلر ، تاریخک صلحه متعلق مباحثیه وتاریخی شخصیتلرک حیاتلرینک تدقیقه و قسماً صنایع نفیسه تاریخیه علاقه دار اولورلر . حفظ صحت درس لردن مطلوب اولان غایه نك حصولی ارزو ایدیلورسه بودرسده ارکک وقیزلری بربرندن آیرمق ایجاب ایدر . تربیه بدنیه و آل ایشلری درس لری اثناسنده قیزلره اوغلانلر بربرندن آیریلقدده در .

هر صنفده ، چوق دیمه یورم ، فقط بر قاج قیز بولونمقده درکه ، بونلر اوغلانلر قادار مختلرینه اعتنا ایدرلر . کنج قیزلرک بودورده کی نملرینه اهتام لازمدر . صنفده براقی صورتیه داها ضعیف قیزلرک عزت نفسی جریحه دار ایتیه جک برشکلده بونلرک برسنه داها فضله تحصیل کورمه لری ایچون برچاره بولمالیدر . متخصص طیبیلر ، شاگردانک محافظه صحتی نقطه نظرندن قیزلرک برسنه داها فضله تحصیله دوام ایتمه لینه طرفدار کورونمکده درلر .

برنجی دوره صنفلرینک یاریسنی قیزلر تشکیل ایدر . ایکنجی دوره ده ایسه قیزلرک مقداری اوچده بره اینر . بونلرده درس لره چوقلوق علاقه دار کورونم یورلر؛ باشقا نوع مکتبلرده تحصیله دوام امکانی اولمادیغندن ناشی ایکنجی دوره ده دوام ایدرلر .

بواسبابه مبنی وکنج قیزلرک مختلرینک محافظه سی ایچون بعض ابوین و معلملر ، لیسه ایکنجی دوره سنه کچن قیزلره مخصوص اولمق اوزره آریجه قیز قولله ژلرینک تأسیسنه طرفدار اولمقده درلر . بومکتبلرده قیزلریمزک کندی جنسلرینه مخصوص استمداد و ذوقلری داها آنی انکشاف ایتدیره بیه جک بر پروغرام تطبیق اولونابیلیر .

بو قیز قولله ژلرنده ال ایشلری ، دیکیش و نقشه داها زیاده اهمیت ویریمه لی ؛ اداره بیتیه درس لری ، کیمیا ، اقتصاد و اصول دفتری درس لریله برلشدیره لیدر . حفظ صحت و فیزیولوژی درس لری توحید ایدیله لی ، خاستاره اهتام و چوچوق باقیمنه طائد معلومات بودرس لرک مفرداتنه ادخال ایدیله لیدر . مستقبل نسلی تربیه ده مدعو اولان کنج قیزلره برآزده روحیات معلوماتی ویرمه لیدر . اجتماعیات درس نك مفرداتی

قادیانیت جمعیت بشریہ دہ ایفا ایدہ جکی وظیفہ کورہ تثبیت ایدیلہ لیدر . صنایع نفیسہ تاریخنہ متعلق معلومات ایسہ ال ایشلری درسارندہ ویریلہ لیدر . کئج قیزلری ریاضیات ، السنہ تاریخ و جوغرافیسا معلوماتیلہ دہ آیرجہ تجہیز ایتمہ لیدر .

کئج قیزلر ایچین آچیلایق اولان بوقوللہ ژلر (ژیمنازلر) اورتا مکتبلرک برنجی دورہ سی اوزرینہ بنا اولونمالی . و ذکر ایتدی کمز مبحثلر و درسلر برنجی دورہ دہ مختصراً کورولمش بولونمالیدر . تاسیس ایدیلہ سی لازم کلہن بوقیز قوللہ ژلرلرک مآذونلری دارالفنونلرہ کبرہ بیلملہ لیدر . اولمادینی تقدیردہ مآذونلر متمم برامتحان ویرہ بیلملہ لیدرلر . حکومتک بو پروژہ نی قبول ایدہ جکنی امید ایدیوروز . مع مافیہ تکلیف ایدیلہن بشکلہ . قیز قوللہ ژلرلرک احداثی ، ایکنجی دورہ دہ قیزلرلہ ارککلرک برابر جہ تحصیل کورمہ لرینہ برمانع تشکیل ایتمہ یه جکدر .

ملکتمزده کی قادیانلرک دیگر برارزوسی دہ ، ال ایشلری ، اداره یتیمہ ، خاستا باقبجلیق کیی درسلرک بوتون کئج قیزلر ایچون مجبوری اولماسیدر . بودرسلر ، شہر مکتب ابتدائیلرینک اکثرینسک پروغراملرینہ داخل اولمشدر . کوچوک شہرلر دہ وکویردہ دہ یه تیشکین قیزلرہ و قادیانلرہ بوقییل درسلرک تدریسی ایچون تشکیلات وجودہ کتیرلمشدر . حکومت بومسئلہ ایلہ کیتدجکہ داها فضلہ علاقہ دار اولمقدہ در . قادیانلریمزک تحمیتاً یوزده دوقسانی او ایشلریلہ وجوجو قلیرینک تربیہ سیلہ مشغول اولمقدہ در .

بومشکل زمانلر دہ آنہ و او قادینی صفتیلہ بونلر ، جمعیتہ قارشی اولان وظیفہ لرینی حسن ایفا ایتمکدہ درلر .

-- ❦ --

بین الملل مبادلہ

بومسئلہ وقتک دارلنی حسیلہ اساسلی صورتدہ مناشہ ایدیلہ مہدی . آز سورہن مذاکرہ لردن صوکرہ برقرارہ منجر اولمادن قاباندی .

برودہ رهاوس (چہ قوسلو واقیا) - قونفرمہ اشتراک ایدہن مختلف مملکتلر دہ ، اجنبی معلملرک اقامتی تسہیل ایدہ جک برتشکیلاتک وجودہ کتیریلہ سی و بونک ایچون مقتضی مبالغہ معلملر جمعیتلرندن ، طائد اولدقلری حکومتلر طرفندن اعطاسی صورتیلہ ویا خصوصی اٹانلر واسطہ سیلہ تأمین ایدیلہ سی تکلیف ایتدی .

بهلته (فرانسه) برملکتدن دیگر برملکته سیاحته کیدمن معلملرک اقامته مخصوص اولوق اوزره «معلم یوردلرینک» وجوده که تیریله سی مسئله سیله قونفرمک مشغول اولدیغنی وحی اجنبی طلبه وایوینی ایچوند یوردلر تاسیسی متصور اولدیغنی سویله دی . فقط بوتاسیساتی وجوده که تیرمک ایچون منابع وارداتک نه صورتله تأمین ایدیله جکنی دوشونمک لازم کلدیکنی ومختلف مملکتلرده معلم وطلبه مبادله سندن نه صورتله استفاده ایدیلدیکنی تحقیق ضمننده برآنکته آچیلماسنک موافق اولاجغنی بیان ایتدی .

واغنه ر (لوکسنبورغ) - بلجیقا ، فرانسه ولوکسنبورغ آراسنده بواش ایچون براتلافنامه امضالاندیغنی وتطبیقاتی دوشونمک اوزرده بر قومسیون تشکیل ایدیلدیکنی سویله دی .

مادامازل غانیو (فرانسه) - قادین پروفیسورلرک بومسئله ایله مشغول اولدقلمی و برطرفدن International Federation of University Women عنوانیله بز تشکیلاتک موجود اولدیغنی ، آمریکا ، انکلتزه وایسومچده ممالک اجنبیهده سیاحت ایچون معلملردن بمضایرینه تخصیصات ویرلدیکنی ذکر ایتدی .

وان له د (بلجیقا) - حرب عمو میدن اول مختلف مملکتلرک مکتب طلبه سی مبادله ایتمک اوزره . un office d'échanges internationaux d'enfants نامیله بر تشکیلاتک موجود اولدیغنی فقط حربک کورولتورلی آراسنده اورتادن قالدیغنی خاطر لاتدی وهیچ اولمازسه طایفه مبادله ایتمک ایسته یه نلرک آدرس لرینک بوله نده اعلانی صورتیله بوتشبنک احیاسنی تکلیف ایتدی .

— — — — —

La C.T.I.

برتو (فرانسه) - فرانسه ده معلم ، دو قنور ، آووقات ، محرر کی مساعی فکریه اربابنک

la Confédération des travailleurs intellectuels .

نامیله بربرلک وجوده که تیردکلمی سویله دی . فکر ایش جیلرینک منافع مادیه ومضویه سی تأمین ومحافظه یه اوغراشان برلکک یوز الی بیکی متجاوز اعضاسی وارمش . بو حرکت صولک زمانلرده فرانسه حدودلردن دیشاری طاشمش و ۵ - ۶ نیشان ۱۹۲۳ تاریخنده صوروبونده عقد اولونان قونفرمه یدی ملت اشتراک ایتمش واون برملت مشاهد کوندرمشلردر . موسیو برتو مختلف مملکتلرده کی مساعی فکریه

اربابنك برانكه داخل اولق صورتياه صلح عمومينك تأسسنه چالشمالريني تكليف ايتدى . بوسوزلر آلقيشلاندی .

..

قونفرمك قابانماسى مقرر اولان پرشبه كوني وقت ايجيه ايلريله مشدى .
آرمازا (اسپانيا) - قونفرمه تمثيل اولونان مملكتلر ك مکتبلرنده اسپانيولجه تدريس ايدینه سی تكليف غریبنده بولوندى .
قلاویهر (فرانسه) - اسپانيولجه نك السنه جدیده درسلى میاننده فرانسز پروگراملرنده موجود اولدیغنی سویله دی .
فهرتی (ایتالیا) - صوك زمانده ایتالیانك اورتامکتبلرنده یاپیلان اصلاحات حقنده معلومات ویرمك ایسته دی . وقت مساعد اولمادیغندن بونك بر مقاله شكکنده مجموعه ده نشرینك موافق اوله جنی سویله ندی .

ختم

چه قوسلوواق معلملر جمعیتی رئیس موسیه ژاقاوه تس برنطق ایراد ایدهرک قونفرمی قبادی .

— ❦ —

ذیل

چه قوسلوواق . هارفنه هاند مشاهدeler

معارف نظارتیه مربوط مطبعه نك زیارتی

۳ ایلول ۱۹۲۳ بازار ایتیه سی .

موسیو استراقا ایله . لکده اولجه اوستریالیر زماننده - k. k. Schulbücherei Verlag عنوانی طاشیان و شیمدی چهجه Státní nakladatelství نامی ویریلنه مطبعه یی زیارت ایتدم . بومطبعه صرف مکتب کتابلری طبع اولونغی اوزره داه ۱۷۷۵ سنه سنده ایمپراطوریچه مایاتهره زیا زماننده تأسیس ایدیلش ،

جمهوريتك اعلانندن سوكر ا چه معارف نظارتنه مال ايديشدر . مطبعة عامره ماهيتنده دولت مطبعهسي بينه باشقادر .

مطبعة مديرلرندن برذاتك لطف ايتديكي معلوماتي بروجه آتي تلخيص ايدييورم :

شكيبوت : مطبعة ، اداري جهندن مكاتب و حرث ملي نظارتنه مربوطدر .
تجاري و تكنيك خصوصاتده استقلال تام صاحبيدر . مطبعة اوج مدير وارددر :
۱ — تجارت مديري .

۲ — تكنيك مديري (طبعخانه مديري) .

۳ — علم ، ادبيات و تربيه شعبهسي مديري .

مطبعةك مجلس ادارهسي بو اوج مديردن تشكول ايدر . مديرلر و مأمورلر معاشريني مؤسسه حاصلاتندن آليرلر . ترقی و تقاعدلری مأمورین قانونه تابعدر . مطبعة درت بناتك صاحبيدر . برون Brno و راتيسلاوا (Bratislava) ده بده شعبهسي وارددر . شعبهله برابر مركزده ۲۸۸ مأمور مستخدمدر كه ، بونلوك يوز يكرمسي اداره مأموري و ۱۶۸ ي تكنيك مأمورلر و مستخدملردر .

شریات : بر کتاب طبع اولونه بيلمك ايچين مكاتب نظارتك مساعدهسي استحصال لازمدر . كذا كتابله موضوع فيثاتلری ده نظارت تفتيش و مراقبه ايدر . مطبعة اكثرتله ابتدائي و رشديله مخصوص مكتب كتابلری و خلك تنوير افكارينه و تعميم معارفه خادم اثرلری نشر ايدر . سورومي آز ، و طبي بهالي اولان بعض كتابلرده بو مطبعة طبع اولونور . مثلاً صاغير و ديلسزله و اعمالره مخصوص كتابلر بوقيلدندر . كذا مطبعة آريجه اسلواواك لسانيه الفبا نشر اولونمشدر .

نمونه : مطبعة ، اوجوز و نفيس كتابلر طبع ايدر . نشریاتك يوزده يكرمي بش قاداريني ، فقير چوجوقلره توزيع ايديك اوزره مجاناً كوندهرير . سوكر اوج سته ظرفنده مجاناً توزيع اولونمق اوزره وريلهن كتابلك اثماني ۵,۸۲۰,۰۰۰ جه قوروني ايدر .

كچن سنهك يكون وارداتي اون آلي مليون قوروندن عبارتدر .

پراغ دارالمعلمینی زیارت

۴ ایلول ۱۹۲۳ صلی .

پراغ مکتب-رندن بر قاجنی زیارت ایدمه بیلیمک مقصدیله سیاحتی بر قاج کون تمدید ایتدم . مع التأسف سنه درسیه باشی اولق مناسبتیه هنوز بوتون مکتبلر کشاد ایدیله مشدی . زیارتلره دارالمعلمیندن باشلادم . مکتب هنوز بوکون ایشه باشلامشدی . فید معامله لرله فضله مشغول اولان مکتبک اختیار مدیری چوق حسن قبول کوسته ردی . بنی تنویر ایچین کافی ساعت آیراییلدی . مومی الیهک ویردیکی ایضاحاتی منت و شکرانه بروجه آتی قید ایدیورم :

« پراغ دارالمعلمینک مدت درسیه سی دورت سنه دن عبارتدر . بورایه بورکهر- شوله یی (رشیدی) اکمال ایدمه نلر و یاخود ره آل شوله لرله کیمنازیوملرک اوجنجی و دوردنچی سنه لرندن کله نلر مسابقه ایله آلینیرلر . بو سنه مسابقه امتحانه یوز آلتیش کیشی اشتراک ایتش ، تعلیماتنامه موجبجه بونلردن یالکز قیرق کیشی آلتیشدر . اورتا مکتب مآذونلرینی معلمک مسلککه احضار ایتک ایچین ده بر سنه لک بر قورص آچیلمشدر .

مسلك درس لرندن تربیه و روحیات ایکنجی سنه ده باشلار . فقط چو جوقلر هنوز فیزیولوژی کورمه دک لرندن درس لری آ کلامقده مشکلات چکهرلر . بوکا بناء دوردنچی سنه ده پسقولوژی مباحثی بردفعه داها تکرار اولونور .

اوجنجی سنه نك برنجی سومسترته منطق و دیداقتیک (اصول تدریس) باشلار . و طلبه بر ساعت هوسیتاسیون یاپار . یعنی سیرجی صفتیه ، تطبیقات معلم لری طرفندن ویرلن درس لره حاضر بولونورلر . تربیه معلمی برابر بولونمغه مجبور ده کیلدر . متعاقب بر درسده تطبیقات معلمک حضور یله ویرلن درس مناقشه ایدیلیر . اوجنجی سنه نك ایکنجی سومسترته ابتدائی مکتبنده ویرله جک درس لرك اصول تدریسی باشلار . طلبه ده بوکا توفیقاً تطبیقات مکتبنده تدریس تجربه لرینه باشلاتدیریلیر .

دوردنچی سنه ده نظریاتدن : تربیه تاریخی ، معارف تشکیلاتی ، معارف قانونلری

لغوقتلره ، اوجنجه دوردنچی سنه لره کؤسته بله ن مواد تکرار ایدیلیر .

تطبیقاته کلنجه : صوك صنف طلبه سی ، هافتاده یدی ویا دو قوز ساعت درس . کورورلر . ویریلن درسارک مناقشه ساعتلی بوکا داخلدر . تطبیقات مکتبی بش صنفیدر . دارالمعلمین طلبه سی سکزرکیشلیک بش غروپه آیریلرلر و تطبیقات معلملرینک حضورنده چوققلره درس ویرلر . تطبیقات درسیه ساعتلینه بعضاً درسک حاند اولدینی دارالمعلمین معلمی دخی کیده . مکتبک مدیری هافتاده برکره درسارده بولونور . تطبیقات مکتبده دارالمعلمین طلبه سنک ویردییی درسار ، آیری ساعتارده اصول تدریس معلمک ریاستی آلتنده مناقشه ایدیلر . تطبیقات معلملی خطالری قید و اصول تدریس معلمه عرض ایده رلر . بوقلر مناقشه ساعتارنده موضوع بحث اولور .

..

بوندن صوکرما معلم مکتبی مدیری ، دارالمعلمین قانوننک ۱۸۸۶ سنه سنده یابیلش اولدیغنی و ۱۸۹۵ سنه سنندن بری ماذونلرک تحصیل عالی طلب ایتمکده اولدقلرینی فقط دارالفنونک بونلری قبول ایتمه دیکنی ، بو یوله کی مجادلانک دوام ایتمدیکنی تفصیلاً آکلاتدی .

..

امتحانلر : دارالمعلمین تحصیلی ماتورا امتحانیله نهایت بولور . بو امتحان اوج نوعدر :

۱ — تحریری امتحان

۲ — شفاهی امتحان

۳ — تطبیقات درسیه امتحانی .

تحریری امتحان ، ریاضیه تربیه ولسان (ادبیات) درسارندن یابیلر .

شفاهی امتحان ، تربیه ، لسان ، جوغرافیا ، تاریخ ، علوم طبیعی و ریاضیات درسارندن ویریلر .

سنه تدریسیه ظرفنده بردرسدن علی الاعلی نوط قازانان طلبه ، اودرسک امتحانندن استثنا ایدیله بیلر . معافیله لاقلا یکی درسدن امتحان ویرمک مجبوری

واردرد . امتحانه تابع طوتولاجق درسلى هيات ميمزه رئيسى (مفتشى) ويا مكتب
مدىرى تعيين ايدەر .

شفاهى امتحانلر متعدد كونلره توزيع اولونماز . دورت ساعت ظرفنده
هپسى بركونده اجرا ايديلير .

سنه ظرفنده تطبيقات درسندن على الاعلى نوط آلانلر تطبيقات امتحانندن
استثنا ايديلهيلير . بوخصوصى ، مكاتب نظارتندن كوندريلان ميمز (مفتش)
ويا مكتب مدىرى تعيين ايدەر .



مكتب مديرندن بوايضاحاتى آلدقندن صوكرا برابرجه بنائى دولاشدق . بوراسى
شهرلك مركزى اولقله برابر اسكيدن برماناسترايمش . چكه چهوره مكتبه بكمزه تمشلر .
مكتبك كوچوك بر باغچهسى وار . طلبه بوراده چيچك يه تيشديرييورمش . فقط
مجبورى دكل اختيارى ايمش .

مكتبك كان ، ارغنون ، رسم ، حكمت وكيما درسلى ايچون آيرى آيرى
قابينهلى واكلر درسخانهلره متصل برر معلم اوداسى واردى . تطبيقات مكتبك
دخى كنديسنه مخصوص بركتبخانهسى وآلات درسيه قولكسيونى موجوددى .

اولكله دن صوكرا تطبيقات مكتبنى كزدم . اولا برنجى صنفه كيردم . معلم
اختيارجه ، تجربهلى وتمانى . چوجوقلرده عموميتله تهميز ، شن وجانلى ايديلير .
دارالمعلمينك اوچنجى صنفى دخى هوسيتناسيون ياپيورلردى . يعنى تطبيقات معلمك
درسنى كورمكه ككشلردى . اولنلرده عموميتله كنج دليقانلير . . چه قوسلواقيادهك
مقتدر معلملى ، تطبيقات مكتبلرينه آليورلرشم . بونلرك معاشلرى ده ديكرابستنى
معلملرينك معاشلرنا ، فرقليدر . تجربه ديدم معلم پك طاتلى برادا واسلوبله حائله
ومكتب حياتى مقاييسه ايدىيور وكوچوكلى مكتب حياتنه آليشديرييوردى . اولنلرك
يارامازلقلرينه قيزمادى . هپ بردن سويله ديلر . اعتراض ايتمهدى . نتيجده معلمه
برشى سويله مك وجواب ويرمك ايچون بارمق قالديرمق اصولنى اوكرمى . درسك
ختامندن صوكرا معلم چوجوقلرك البسهلى كنديسى كيدردي . چوجوقلرغنى ايلك
كون مكتبه كوندمرشم اولان والدلر آقشام اوزرى مكتب اوكندهكى سوقاقدنه

طوپلانمشلردی . یاورولرینی قولندن طوتوب پراغك كورولتولی جاده لرنده قایب اولدیلر .

بوندن صوكر ايكنجی صنفده برقرائت درسنه كيردك . بورادهده چوجوقلر تعطیلدن صوكر ا مكتب حیاته آیلشدیریورلردی .

برمكتب ابتدائی زیارت

موسیو استراقا ایله برلكده (سمن آدالمر) تسمیه اولنان محلهده قسم ابتدائی ورشدیدن مرکب برمكتبی زیارت ایتدم . چه قوسلو اقیاده او به چ ناشقولانك Obecna Skola یعنی مكتب ابتدائی نك مدت درسیه سی بش سنه در . آوستریانك فولقس شوله سی کیدر . بونك اوزرینه اوچ صنف داها علاوه ایدیلشدرکه — آشاغی یوقاری بزم اسکی رشديه لره معادلدر . بونك اسمی ده اوبجانشقا شقولادر . آلمانجه بورگهرشوله مقابلدر . رهبریمك ویردیکی ایضاحاته نظر آچه قوسلو اقیانك کویلرنده وشهرلرنده سکنر سنه لك تحصیل مجبوری تطبیق ایدیلشدر .

کز دیکمز مكتب ۱۹۰۶ سنه سنده انشا ایدیلش . بنانك ترتیباتی چوق موده رن فقط باغچه سی یوق .

ابتدائی نك ۴ نجی صنفده برقرائت درسنده بولوندم . معلمه قیرقلق . تقریری آئی ، بطی وجوق مؤثر ، تدریس ایده جکی منظومه یی قراشدن اول موضوعی آكلاتدی وصوكر ا کوزل برادا ایله اوقودی .

بعده برژیمناستیک درسنده بولوندم . قیزلرك بویلری اولجه اولچولش وصیراده موقعلری تعیین ایدلش . ویریلن امر اوزرینه هبسی مکمل صیرا اولدیلر . طالباتدن بعضلرینك خصوصی ژیمناستیک البسه سی وآیاق قابلری واردی . بعضلری ده ژیمناستیک خانه ده یالین آیاقدی .

برربر یورودیلر ، ایکیشرو صوكر ا دوردر اولدیلر . ایسوه چ ژیمناستیکنه یاقین ادمانلر یاپدیلر . بودامانلری ژیمناستیک وریمیک دانسلر تعقیب ایتدی .

چه ژیمناستیک ۱۸۶۶ سنه سنده صوقولر (مشهور ژیمناستیک جمعیتلری) طرفندن تأسیس ایدیلش وبوژیمناستیکه کندیلرینه مخصوص موزون حرکتلر (ریتملر) قاریشدریلشدر .

طباخت درس خانه سنده برطرفده نظری معلومات ویرمك اوزره برسیاه

مکتبک آلت قاتنده کی بانو ترتیباتی ده مکملدی؛ طالباتک صویونماسنه مخصوص محللر تفریق ایدیلش ، صیجاق و صوثوق دوش محللری یاپیلمشدی .

پراغ دارالمعلماتی زیارت

Zensky ucitelsky ustav

دارالمعلمات ، شهرک موزهلرینه و دارالفنوننه یاقین برمحله و ائجه بر بنا داخلده تاسیس ایدلشد . هنوز تدرسات باشلامادینی ایچین مدیردن دارالمعلمات حقنده بعض معلومات اخذیله اکتفابه مجبور اولدم . دارالمعلماتک مدت درسیه سی دارالمعلمینده اولدینی کیی دورت سنه در .

مدیرک ویردیکی ایضاحاته کوره مکتبک پروغرامی بروحه آتیدر :

درسلر	صنف ۱	صنف ۲	صنف ۳	صنف ۴	یکون
علوم دینه	۱	اختیاری	اختیاری	اختیاری	۱
علم تربیه	—	۳	۳	۳	۹
تطبیقات درسیه	—	—	۵	۷	۱۲
لسان	۴	۴	۴	۴	۱۶
جوغرافیا	۲	۲	۲	۱	۷
تاریخ	۲	۲	۲	۱	۷
حساب و هندسه	۳	۳	۲	۱	۹
تاریخ طبیعی	۲	۲	۱	۱	۶
خط	۱	—	—	—	۱
رسم	۲	۲	۲	۱	۷
موسیقی	۲	۲	۲	۲	۸
ال ایشلری	۲	۲	۲	۲	۸
ژیمناستیک	۲	۲	۲	۲	۸
آلمانجه (مجبوری)	۳	۳	۳	۳	۱۲
یکون	۲۶	۲۷	۳۰	۲۸	۱۱۱

بوندن ماعدا كان ال ايشلرى و مكتبك بولوندينى محيطده تونوشولان اجنبي
ئلسانى كىيى اختيارى درسlerde واردر .

دارالمعلماتده مسلك درسلى شوصورتله تدرىس ايدلمكده ايتىش :

نظريات :

۲ نجى صنفده روحيات .

۳ نجى » اصول تدرىس .

۴ نجى » تربيه تاريخى ومعارف تشكىلاتى .

تطبيقات درسيه :

۳ نجى صنفده هوسيتاسيون بايلىر . يعنى طالبات تطبيقات معلملى طرفندن

ويريلهن درسلى سير ايدهرلر . بونلر مناسب ساعتlerde مناقشه ايدىلىر .

۴ نجى صنفده دارالمعلمات صوك صنف طالباتى بالذات درس ويرمكه باشلار .

ايلك درسلى برچاريك ساعت و صوكرا يارىم ساعت سورهر .

مكتبهده قىز لىسه لرندن ماذون اولان خانملرى يه تيشديرمك اوزره آيرىجه

برسنهك په داغوژى و اصول تدرىس قورصى آچىلمشدر .

ال ايشلرى و اداره بيتيه دارالمعلماتى

مكتبلرده او ايشلرى تدرىس ايدهرلك معلملى (ucitelky domacich nauk)

يه تيشديرمك اوزره ايكى سنهك برمكتب آچىلمشدر .

قبول شرائطى

۱ -- ۱۷ ياشنى اكمل ايتىش بولونمق .

۲ -- صحت بدنيه و روحيه په صاحب اولمق .

۳ -- بوركر شوله يي اككالدن صوكرا ايكى سنه قىز صنايع مكتبهده دوام ايتىش

بولونمق .

مكتبه ، بوشرائطلى حائز بوسنه يوزكيشى مراجعت ايتىش . بونلردن يالكىز

اوتوزى مسابقه ايله تهرىق اولوناچقدر .

آل ایشلری واداره بیتیه دارالمعلماتنک پروغرامی :

ایکنجی صنف	برنجی صنف	درسlerك اسملری
۴	۳	علم تربیه
۲	۲	لسان
۲	۲	حساب
	۲	معلومات مدنیه
	۲	حفظ صحت
۲		اجتماعیات
	۲	دوقوماجیلق
۲	۲	تربیه بدنیه
۱	۱	موسیقی
۴	۵	رسم
	۱	ال ایشلری و اصولی
۱۰	۷	قادرین ال ایشلری
	۲	اؤ و ادارهسی، تطبیقاتی، چاماشیر
۶	۴	طباحت
۳۳	۳۵	

آنا مکتبی و آنا دارالمعلماتی

Ustav ku vzdelani pestounek

دارالمعلماته ملحق بر آنا دارالمعلماتی ایله برده آنا مکتبی موجوددر . قبول

شرائطی :

۱ — اون آلتی یاشنی اکیال ایتمش بولونمق .

۲ — اوصاف بدنیهیی حائر اولمق .

۳ — بورکدر شولهیی اکیال ایتمش بولونمق .

۴ -- ال ایشلرنده مهارتی اولوق .

۵ -- سسی کوزهل و موسیقییه استعدادی بولونمق .

آ نا دارالمعلاتنك پروغرامی :

درسار	برنجی صنف	ایکنجی صنف
معلومات دینیہ	۱	۱
علم تربیه	۲	۲
آ نا مکتبی علمی	۱	۱
آ نا مکتبی تطبیقاتی	۶	۶
لسان	۳	۳
اشیا درسی	۲	۲
رسم و مودهل	۲	۲
چوجوق باغچهلری اشتغالاتی کاغذکسمک	۲	۲
قیزلره مخصوص ال ایشلری	۲	۲
موسیقی	۲	۲
تربیة بدنیہ	۲	۲
یکون	۲۵	۲۵

بو اوج نوع دارالمعلات بر مدیرك ادارهسی آلتنده در . هر اوجده نهاری . اولدیفندن جمله سنك براداره آلتنده توحیدی قابل اولمقده در .

معارف نظارتی کتبخانهسی

محترم دوستم استراقا Straka، ذکی مسعود بکله برلکده بخ متعده دفعه لرخانه سنه دعوت ایتدی . اولجه شرق لسانلرنندن عربجه و تورکجه یه ده مراق صاردریش . حرفلری طانیوردی . فقط اصل اشتغال ایتدیکی موضوع سانسقریت لسانی ایدی . مرامی لازم کلن امتحانلری وروب دارالفنونه معلم اولمقدی . بعض متلری تدقیق مقصدیله بالآخره پارسه بر سیاحت اجرا ایتدی . کندیسنی متعده دفعه لر معارف نظارتنده کی دائرة رسمیه سنده زیارت ایتدم . ویردیکی ایضاحاتی شکرانه قید ایدیورم : ۱۹۲۱ سنه سنده معارف نظارتی داخلنده برکتبخانه تاسیس ایدیلش بر . مقصد

تأسیسی، علمی و اداری اثر لری تدارك* ایدەرك نظارت مامورلرینه مراجعت و مطالعه خصوصندە تسهیلات کوستەرمکدر . (هەر بنظرارتە مامورلەر مخصوص بەرە کتەبخانە واردەر .)

نظارت کتەبخانە سنده جمع ایدیلەن آثار بروجە آتیدر :

۱ — معارف قانونلری ، نظامنامەلری و تعلیماتنامەلری .

۲ — دیگر نظارتلرک و رسمی مقاملرک نشریاتی .

۳ — اجنبی مملکتلرک معارفه عائد قانونلری ، نظامنامەلری ، تعلیماتنامەلری و سایر نشریاتی .

۴ — موقوف مجموعه قولکسیونلری (تقریباً دورت یوز مجموعه قولکسیونی) .

۵ — معارف نظارتلرک معاونتیله نشر ایدیلەن کتابلر .

۶ — بوتون مکتب کتابلری .

کتەبخانەدە شیمدی به قادار طویلانان کتابلرک عددی آلتی بیک قاداردەر .

آلمانجه Handbibliothek دەنیلەن و رؤسای مأمورینک هر زمان مراجعت ایتمەسی لازم کلەن آثار تدارك ایدیلش و کندیلرینه مخصوص اداره اودالرینه قونولمشدر .

هر بر مأمورک کتەبخانەدن نه صورتله استفادە ایدە بیله جکنه دائر بر تعلیماتنامە یاپیلمشدر . کتەبخانەدە جمع ایدیلەن آثارک باشلیجه ایکی تورلو قاتالوغی یاپیلمشدر : برنجیسی ؛ Namens = Katalog در . یعنی مؤلفلرک اسملرینه نظرأ ترتیب ایدیلشدر .

ایکنجیسی ؛ Systematischer Katalog در . یعنی کتەبخانە موجودینک علوم و مباحثه کوره تصنیفندن حصوله کلشدر .

نظارت کتەبخانەسی ، کمال اهمیتله مکتب کتابلرینک قولکسیونتی طویلار . مکتبلردە تدریس ایدیلەن کتابلرک معارف نظارتی طرفندن قبول و تصدیق ایدیلەسی ضروریدر . مؤلف کتابخانی طبع ایتدیردکن صوکرأ مکتبلره قبول اولونمق اوزره معارف نظارتنه عرض ایدەر . نظارتە مربوط مطبعهده طبع اولوناجق آثار ایچون استثناء مسوده قبول اولونور . بوخصوص مطبعه نك برامتیازیدر .

مسوده ویا کتاب نظارتە ویریلدکن صوکرأ تدقیق اولونمق اوزره بر ویا برقاچ متخصصه حواله اولونور ، متخصصلره نظارت بر اجرت تدقیق ویریر . مؤلف و طابعلر کتابک کیمه حواله اولوندیغنی بیلمه زلر .

کتابك متنى ، قبول و يارد اولونور . قبول اولونمىش ايسه ، كتابك فيثاى حقنده بر مضبطه يايلىر . اسعار تخالف ايده رسه ، طابعلر ترتيب ، طبع و تجليد مصر فلرغى نظارت بيلديرهرك فيثاك تبديلى ايسته به بيلرلر . نظارت بريانامه ويرهرك شوقادار فورمادن عبارت رسمى و يارسمسز اولان فلان كتابك شوقادار نسخه سنك طبى شوقادار ايدييورديه حساب و يريرلر . بياننامه ده كي حسابلر ايجابنده تجارت وكالى طرفندن قونترول ايديلر .

بر كتاب مکتبلره قبول اولوندقدن سوكر ا ، كتابك و مؤلفك اسمى ، فيثاى نظارت مجموعه سنده اعلان اولونور و قبول اولونان كتابك اوزرينه وكالت مضبطه سنك تاريخى و نومروسى درج اولونور .

اورتا تدريسات

اورتا تدريسات مکتبلرى چه قوسلو و اقياده مكممل صورتده انكشاف ايتشد . آلامانيا و اوسترياده كي تشكيلاتيه مشابه بر شكل آلمشدر .

اورتا تدريسات مکتبلرينه على العموم اوبه چنا شقولايى يعنى بش سنه لک ابتدائى اكل ايدنه نر لسان و حسابدن امتحان ايديلهرك آلىر . اون ياشنى اكل ايتمش بولونق و امتحانده موفق اولق شرطيله ده آشاغى صنفلردنه طلبه آلىنه بيلر .

چو قوسلو و اقياده اورتا مکتبلر آلمان ياده اولدينى كى ايجه تنوع ايتشد .

کيمنازيوم

لك اسكى شكل قلاسيك ژيمنازدر . مدت درسيه سى سگزنه در . بو كادورت و بش سنه لك بر تحصيل ابتدائى تقدم ايتديكنه نظراً ايلك مکتبله بر لكده اورتا مکتبك مدت درسيه سى ۱۲ و ۱۳ سنه ايدره . قلاسيق لسانلردن لاتينجه ژيمنازك برنجى سنه سنده و يونانجه اوجنچى سنه سنده باشلار . مملكتده قونوشولان راجبى لسانى هر صنفده تدريس ايديلر . فقط اختياريدر . مکتبى اكل ايدنه طلبه ماتورا (باقاوره آ) امتحانى و يرير . بو امتحانده موفق اولانلر دارالفنوته دخول حقى اکتساب ايدهرلر . فقط مهندس مکتب عاليه سى كيرمك كوچدر .

کیمنازیومک پروغرامی بروجہ آتیدر :

درس	۱	۲	۳	۴	۵	۶	۷	۸	یکون
علوم دینیہ	۲	۲	۲	۱	۱	-	-	-	۸
لسان تدریس (ملی)	۵	۴	۳	۳	۳	۴	۳	۴	۲۹
لاتینجہ	۶	۶	۶	۶	۵	۶	۵	۵	۴۵
یونانجہ	-	-	۵	۴	۵	۵	۴	۵	۲۸
تاریخ	-	۲	۲	۲	۳	۳	۳	۴	۱۹
جوغرافیا	۲	۲	۲	۲	۲	۲	۲	۲	۱۴
ریاضیات	۴	۳	۳	۳	۳	۳	۳	۲	۲۴
تاریخ طبیعی	۲	۲	-	۲	۲	۲	۲	۲	۱۲
کیمیا	-	-	-	-	۲	۲	-	-	۶
حکمت	-	-	۲	۲	-	-	۴	۴	۱۲
فلسفہ	-	-	-	-	-	-	۲	۲	۴
رسم	۳	۳	۲	۲	-	-	-	-	۱۰
خط	۱	-	-	-	-	-	-	-	۱
ژیمناستیک	۲	۲	۲	۲	۲	۲	۲	۲	۱۶
اجنبی لسانی	۳	۴	۳	۳	۳	۳	۲	۲	۲۳
یکون	۳۰	۳۰	۳۲	۳۲	۳۱	۳۲	۳۲	۳۲	۲۵۱

رہ آل کیمنازیوم

Realgymnasium

کذلک بش سنہ لک ابتدائی تحصیلہ استناد ایدہر۔ مدت تحصیلہ سی کیمنازیوم مدہ اولدینی کبی سکز سنہدر۔ لاتینجہ داہا برنجی سنہدن باشلار کیمنازیوم مدہ اوچنجی سنہدہ باشلایان یونانجہ یرینہ فرانسزجہ ویا انگلیزجہ کبی برلسان اجنبی اقامہ ایدیلشدر۔ مع مافیہ تدریس لسانندن (چہچہدن) ماعدہ بر اجنبی لسانی مثلاً یرینہ کورہ آلامانجہ ویا ماجارجہدہ اختیاریدر

صنف	صنف	صنف	صنف	صنف	صنف	صنف	صنف	صنف	درسار
۱	۲	۳	۴	۵	۶	۷	۸	يكون	
۲	۲	۲	۱	۱	-	-	-	۸	علوم دينيه
۵	۴	۳	۳	۳	۴	۳	۴	۲۹	تدريس لسانی
۶	۶	۶	۶	۶	۵	۴	۶	۴۵	لاتينجه
-	-	۴	۴	۵	۴	۳	۳	۲۳	فرانسجه ويا انگليزجه
-	۲	۲	۲	۳	۳	۳	۴ {	۱۹	تاريخ
۲	۲	۲	۲	۲	۲	۲	۲ {	۱۴	جوغرافيا
۴	۳	۳	۳	۳	۳	۳	۲	۲۴	رياضيات
۲	۲	-	۲ {	۲	۲	۲	۲	۱۲	تاريخ طبيعي
-	-	-	-	۲	۲	-	-	۶	کيميا
-	-	۲	۲	-	-	۴	۴	۱۲	حکمت
-	-	-	-	-	۲	۲	۱	۵	هندسه رسميه
-	-	-	-	-	-	۲	۲	۴	فلسفه
۳	۳	۲	۲	-	-	-	-	۱۰	رسم
۱	-	-	-	-	-	-	-	۱	خط
۲	۲	۲	۲	۲	۲	۲	۲	۱۶	ژيئناستیک
۳	۴	۳	۳	۳	۳	۲	۲	۲۳	اجنبی لسانی
۳۰	۳۰	۳۱	۳۲	۳۲	۳۲	۳۲	۳۲	۲۵۱	يكون

ره آلقا

عملی احتیاجاته توافق ایتمک اوزره فلاسیک مکتبلرک یانی باشنده «ره آلقا» تامی ویریلن ایکی دوریه منقسم آلتی سنه‌لک اعدادیلر آچیلمش . بالاخره بونلره بر صنف داها علاوه ایدیلهرک اورتامکتبلر عدادینه ادخال ایدیلشدر . ره‌ال مکتبلرنی اکمال ایدهن طلبه بر «ماتورا امتحانی ویردکدن صوکر اعالی مهندس و صنایع مکتبلرییه دخول حقن قازانیرلر . کیمیا زییوملر دوغروندن دوغرویه حکومتک مراقبه‌سی آلتنده در . ۱۸۶۷ سنه‌سنده تأسیس ایدیلن ره آلقارک پروغراملرینک

واداره لرینک تنظیمی عاڈ اولدقلری ایالتلره براقیدیلغیندن پروغراملرده سنهده آز
چوق تخالف حصوله کلهشدر . ره آلقارک بو کونکی پروغرامی بروجه آتیدر :

درسلر	۱	۲	۳	۴	۵	۶	۷	یکون
علوم دینیہ	۲	۲	۲	۱	۱	-	-	۸
آنا لسانی	۶	۴	۴	۳	۴	۳	۴	۲۸
فرانسزجه	-	۴	۴	۴	۴	۳	۳	۲۲
تاریخ	۲	۲	۲	۳	۳	۲	۳	۱۷
جوغرافیا	۲	۲	۲	۲	۲	۲	-	۱۲
ریاضیات	۴	۳	۳	۴	۴	۴	۵	۲۷
تاریخ طبیعی	۲	۲	-	۳	۲	۳	۳	۱۲
کیما	-	-	-	۳	۳	۳	-	۹
فیزیک	-	-	۳	۲	-	۴	۴	۱۳
هندسه رسمیه ورسم خطی	-	۲	۲	۳	۳	۳	۳ (۲) ۱۶ (۱۵)	
فلسفه	-	-	-	-	-	-	۲	۲
رسم	۴	۴	۴	۳	۳	۲	۳	۲۳
خط	۱	-	-	-	-	-	-	۱
ژئمناستیک	۲	۲	۲	۲	۲	۲	۲	۱۴
دیگر برلسان	۴	۴	۳	۳	۳	۳	۳-۲	۲۳-۲۲
یکون	۲۹	۳۱	۳۱	۳۳	۳۴	۳۴	۳۴	۲۲۶

قیز لیسه لری

چهلرک ایلك قیز اعدادیلری ۱۸۶۰ سنه سنده (پیشهك) و صوکر ۱۸۶۳
سنه سنده (پراخ) شهرلرنده تأسیس ایدلش ۱۸۹۰ سنه سنده «مینه روا» جمعیتی
طرفندن پراخده برقیژمننازی تأسیس ایدیلش. ۱۹۰۰ سنه سنده ایسه اورتا تحصیل
کورمك ایسته یهن قیزلرک احتیاجاته تقابل ایتمك اوزره آلتی سنه لك قیز لیسه لری

درس‌لر	صنف ۱	صنف ۲	صنف ۳	صنف ۴	صنف ۵	صنف ۶	يکون
علوم دينيه	۲	۲	۲	۱	-	-	۷
چه لساني	۵	۵	۵	۴	۵	۵	۲۹
فرانسزجه	-	-	۵	۴	۴	۳	۱۶
تاريخ	۲	۲	۲	۳	۲	۳	۱۴
جوغرافيا	۲	۲	۲	۲	۲	۱	۱۱
رياضيات	۴	۳	۳	۳	۳	۳	۱۹
تاريخ طبيعى	۲	۲	-	۳	۲	۲	۸
کيميا	-	-	-	-	۲	۲	۷
حکمت طبيعیه	-	-	۲	۲	۲	۲	۸
علم تربيه	-	-	-	-	-	۲	۲
رسم و رسم خطی	۳	۴	۲	۲	۲	۲	۱۵
خط	۱	-	-	-	-	-	۱
ژيمناستيک	۲	۲	۲	۲	۲	۲	۱۲
ديکر برلسان اجنبی	۴	۴	۳	۳	۳	۳	۲۰
يکون	۲۷	۲۶	۲۸	۲۹	۲۹	۳۰	۱۶۹

بر ره فورم شوله يي زيارت

۵ ايلول چارشانبا :

بوتون اوروپاده اولدینی کبی چه قوسلواقیا مکاتب تالیه سنده ده السنه قدیمه ایله السنه جدیدیه ، علوم ادبیه ایله فنونه تخصیص ایدیه جک ساعتلر و بوکا کوره تعین ایدیه جک مکتبلرک نوعلری حقنده سنه لردن بری اوزون مناقشه لر جریان ایتکده در . بو خصوصده قطی بر قرار ویرمزدن اول مختلف سیستملی بر قاج مکتب تالیده تطبیق ایدیه رک تجربه لر بایورمشلر . تطبیقاتک ویره جکی نتایج کوره پروگراملرده وتشکیلاتده تعدیلات اجرا ایدیه جکمش .

ایشته بو کون (قارلین) ده بر ره فورم شوله يي زيارت ایتدک . دیگر ژیمناز .

لرده فرانسزجه اوچنجیدن باشلادینی حالده بوراده برنجیدن اعتبارا مجبوری یاییله شد .

مکتبک شعبه‌لره برلکده اون سکنز صنفده ۳۵ معلم و ۶۴۰ طلبه وارمش .
 قوه‌دوقاسیون تطبیق اولونویور . یالکیز قیزلردن مرکب آیری برصنف‌ده وارمش .
 ایکنجی صنفده موسیوژاقاوه‌تس طرفندن ویریلن برفرانسزجه درسند بولوندق .
 صنفده قیرق طلبه وار : سکنزی قیز ، اوتوز ایکسی ارکک . قیزلر اوک صیرالرده
 ایکیشر ایکیشر اوطورویورلر . تنفس ائناسنده قیزلرک قیزلره و اوغلانلرک بر
 برلریله کزدکلری و قونوشدقلری نظر دقتی جلب ایدیوردی . مکتبک بر قسمی
 جوارده دیگر بر بنایه یرلشمش . اودالر درسخانه ایچون آلوریشلی ، فقط اولجه
 زیارت ایتدیکم ابتدائی مکتبی کبی بونکده باغچه‌سی یوق . طلبه تفسلرده دار
 قوریدورلرده دولاشیور . چوجوقلرک فرانسزجه معلوماتلری آئی ، فقط تلفظلری
 عمویتله فنا !

دوردنجی صنفده دیگر بر معلم طرفندن ویریلن فرانسزجه درسنه کیردک . معلم
 کچن سنه کی درسلری تکرار ایدیوردی . اولره لافونته‌نک زهرلی آرمود حکایه‌سنی
 آکلاتدی . چوجوقلر ایکی سنه‌دن بری فرانسزجه اوقویورلرمش . معلمک تلفظی
 آبی وقیصا زمانه نسبتله موفقتی زیاده ایدی .

بو مکتبده پرنسیب اوله‌رق قبول ایدیش : فرانسزجه کبی درسلی تدریس
 ایدن معلملر ، هر سنه طلبه‌سیله برلکده صنفدن صنفه ترفیع ایدیورلرمش .

معلملرک آلتیمی Prof ad Personam در . صورت دائمده تعیین ایدیلشلردر .
 رتبه‌سی و ترقیسی واردر . بونوع معلملر صورت دائمده بر مکتبه مربوطده کیدر .
 نظارت‌لزو منده اونلری باشقا بر مکتبه کوندربیلیر . معلملرک باشقا مکتبلرده ایشلری
 یوقدر . ره آلیستر (فن معلملری) هافتاده یکریمی ساعت فیلولوغلر ۱۷ ساعت
 قادار درس اوقوتلر . کندیلرینه فضله ساعت تحمیل ایدیلدیکی تقدیرده آیریجه
 منظم تخصیصات آلیرلر . هافتاده بر ساعت فضله درس ایچون سنوی ۵۰۰ - ۶۰۰
 قرون اجرت ویریلیر .

طلبه‌سی قالابالق اولمایان مکتبلرده مدیر هافتاده سکنز ساعت درس اوقوتمه
 مجبوردر . صنفلر تکثر ایدنجه مدیر درس ویرمهه بیلیر .

مکتبده ال ایشلری ده مجبوریدر . طلبه طرفندن یاپیلان ایشلر مکتب سرکیسند
 تشهر ایدیلشدی . کیمیا تطبیقاتی شیمدی اختیاری ایش . کیمیا خانه‌ده چالیشمق
 ایسته‌ین هر طلبه سنه باشنده سکسان قرون اجرت تأدیه ایدر و هافتاده ایکی

کون اوکله دن صوکر جالیشه بیلیرمش . ایلریده آجیلاجق (ره فورم صنفلرده)
کیما تطیقاتی مجبوری اولاجقمش .
کوستردکلی حسن قبول و اثر ترا کندن دولای مدیره و معلمله تشکر
ایدوب آیرلدق .

ره آل کیمنازیومی زیارت

ینه پراغ جوارنده لیله ده ره آل کیمنازیومی زیارت ایتدک . اوکله دن
صوکر مکتب تعطیل اولدیقندن تدریساته تصادف ایده مدک . مدیر و معلمدن
بعضیلرله کورو شه بیلدک . مکتب بناسی ، حفظ الصحنه ک ایجاباته توفیقاً یکی بایللمش
و پک مکملدی . کهنش بر آنتره دن صوکر فرح مردیونلر ، درسخانلر ،
مدیریت ، کتابت و مکالمه اوداسی کلیوردی .

تاریخ طبعی درسخانلری دورت اودایی اشغال ایدیوردی . قولکسیونلر پک
زنکیندی . فیزیک درسخانه سی دخی دورت اودا و بر قوریدوردن مرکب مستقل
بر دائره در . درسخانه آمفی ته آتر شکلنده یاپلش ، سیاه پرده ترتیباتی مکملدر .
کیماخانه ده کذا دورت اودایی ، فوطوغراف ایچون برکوچوک اودایی احتوا ایدیور .
رسم درسخانه سی او چ اودادن عبارتدر : برنجیسی رسم درسخانه سیدر .
ایکنجی اوداموده لک محافظه سنه مخصوصدر . اوچنجی کوچوک اودامعلمه مخصوصدر .
دیگر عمومی درسخانلرک هر برنده سیاه تاختانک یاننده بر جامکان واردر .
صوبالر ، قوریدوره متصل دیوارک ایچنه بایللمش . درس اثناسنده بیله خدمه لر
صنئی راحتسز ایتمدن صوبایی یاقا بیلیمکده ایمش . بو مکتبک چیچک باغچه سی
کوزله ، فقط طلبه نک تنفسنه کافی محلی یوق . مکتب مدیرینک افاده سنه کوره
بویوجک تنفسلرده مکتبه متصل اولان مکمل بلدیله پارقدن استفاده ایدیلکده ایمش .
ینه بوراده Dr Herout اسمنده برذاتله طانیشدق . بو ذات غابلسرغ آسته .
توغرافی اصولنی چه لسانه تطبیق ایتمش و بونک تمیمی ایچون اوتوز سنه چالیشمش
اولقله مفتخردر . مدیره و معلمله تشکر ایدوب آیرلدق .